


**ADRIANI
TURNEBI
PHILOSOPHIÆ ET
GRÆCARUM
LITERARUM...**

Adrien Turnèbe





715. 2

M. 715. 2

ADRIANI TVR-
NEBI PHILOSO-
PHIÆ ET GRÆCA-
rum literarum professo-
ris Regij Poëmata. —

AD C. V. ACHILLEM HAR-
læum Senatus Parisiensis Præsidem.



P A R I S,

Apud Martinum Iunerum, via S. Io. La-
teranensis ad insigne Serpentis.

1 5 8 0.

CVM PRIVILEGIO REGIS.


EXTRAIT DV PRIVILEGE

Lest permis à Martin le Jeune, libraire & imprimeur en l'université de Paris, d'imprimer ou faire imprimer vn liure intitulé, *Adriani Turnebi Philosophia & Græcarum literarum Professoris Regij Poëmata*. Defendant à toutes personnes, de quelque estat qualité ou condition qu'elles soient, de n'imprimer ou faire imprimer, vendre ne distribuer, autres que ceux que ledit le Jeune aura imprimé ou fait imprimer, pendant le temps & terme de six ans finis & accomplis, à compter du iour & date que ledit liure sera paracheué d'imprimer sur les peines arbitraires contenues aux lettres de privilege. Donné à Blois le 15. de Fevrier 1571.

PAR LE ROY

Maistre Iean du Bourg maistre des requestes ordinaire de son hostel present.

Signé Langlois.



C. V. ACHILLI HARLAE O
 BELLOMONTANO SENA-
 tus Parisiensis Præsidi sanctiorisque
 Prætorij Consiliario OTHO
 TYRNEBV S Adr.F.



ARLÆE, Ansonijs a-
 mate Musis

Et Graijs, decus ordinis toga-
 ti:

Qui Piætonibus exulem Andri-
 bûsque

Astream renocasti ab arce cœli,
 Quo te munere prosequar, salutem
 Quo versu reduci tibi precabor?
 Nam nefas puto regia hac adire
 Tui limina, munere absque, templi,
 Ut mos gentibus extitit quibusdam.
 Hunc Persa coluere nempe morem,
 Nec regem vacui suum solebant
 Salutare: mihi at nihil quod, istis
 Qui te regibus antepono, donem.
 Sed nec susciperes, eamque ferrem
 Quam ab te sæpe rei ferunt repulsam.
 Dum te munere sordibûsque tentant

A 2

Expri-

Expugnare, malâmque ferre litem.
 Atqui te similem Ioui supremo
 Omnes ore quidem fatentur uno,
 Qui dono & prece supplici mouetur:
 Sed surda est tibi gratia & fauori
 Auris, sed nec habes manus auaras,
 Et sic munera respuis reorum
 Vt unus videare de Senatu,
 Gens quem Egyptia pinxit in tabella
 Abscisis manibus, seuera iura
 Reddentem populis bonis mali, que:
 Maiorem hóc Ioue nempé te esse duco:
 Et quo rarior, hócque maior ista
 Virtus est tua: nec peculiaris
 Quannus sit tibi, totus at Senatus
 Virtutem colat hanc Parisiensis,
 Paucorum in domibus tamen moratur.
 Quid nunc ergo tibi offero molestus?
 Quod nulli licet, hoc mihi licere
 Credam vni potius? tuæque legi
 Huic fraudem faciam bona atque sancta?
 Sed peccem potius, piacularem
 Et me ipsum faciam, ut meum profanus
 Hoc munus tibi dedicem sacræmque.
 Nec munus tamen hoc meum, at parentis
 Qui te suspiciebat, Adriani.
 Atque hoc nomine tutior, Catone
 Te quannus rigido seueriorem
 Inuisam, atque tuos sacros penates

Impor-

*Importunus adibo, dexteramque
Istis carminibus tuam occupabo.
Gaudes carminibus, tibi que semper
Dice, & Pieridum chorus sororum
Ipse & Delius assident frequentes:
Nec te dignior ullus est, parentis
Cui donem hunc lepidum nouum libellum.*

A 3



ADRIANI TVRNEBI PA-
NEGYRICVS DE CALI-
sio capto.



ERTVS inoffensa vita cum
ducitur ordo,
Nec titubata tenor constans vestigia
ponit,
Aduersis nec lata labant, rubigine
virtus

Obduci solet, atque situ squalente notari,
Perpetuis torpere bonis & hebescere sueta:
Ast ubi latorum seriem transuersa repente
Interrumpit atrox sauo fortuna tumultu,
Se virtus animosa mouet, segnemque veternum
Excuit, & ter so tandem splendere nitore
Incipit, & vera sese ostentare figura:
Exuit & senium, viridem reparatque iuuentam,
Anguis uti primo posuit qui vere senectam:
Insultusque graues euincit sortis inique.
Ista sub inuicta latitat qua pectore virtus
Bellipotens *ERRICE* tuo, quo clarior esset
Elicienda fuit damnis, ut saucia toto
Conatu connixa, ferox assurgeret omnes
Protinus in vires, armisque ut frangeret hostem.

A 4 Vidimus

Vidimus infando percussis vulnere Francis,
 Dissimulare metum procures, & fingere vultum
 Non potuisse, suo signare sed ore pauorem.
 Consternata vijs totis diffusa saluti
 Agmina communi, conspeximus vrbe migrare:
 Iustitio indicto puteal sanctumque tribunal
 Vidimus orbatum turba caruisse togata.
 Aduentare hostes, lituosque sonare canebat
 Indulgens falsis tanto in discrimine rumor.
 Aspera quis verum non ultra sinxit: & illis
 Prona fides ultra solitum fuit? auctor haberi
 Is verus meruit, quisquis teterrima dixit.
 His tua non deiecta gradu, rex maxime, virtus
 Inconcussa locum tenuit, seque omnia contra
 Intulit obnixis animis & pectore firmo.
 Hosti tunc acies intus, tunc bella coquebas:
 Ingentesque ira tua tum praeordia flammæ
 Intus anhelabant, maioræque cœpta parabant:
 Latitiæque breuem diurnæque damna mouebas
 Hostibus. Annus abijt funesta strage cruentus:
 Æquior at proprijs aperit tibi tempora factis
 Ianus, & in votum clades conuertit acerbæ.
 Crimen & inuidiam, meliori decesse, putauit:
 Nec cœptis fauisse tuis, fouisseque partes,
 Dum nihil infractum bella instaurare tuetur.
 In longum nec spem mittit, nec pendula torquet
 Corda mora: matura tibi sed sistit opima
 Præmia, quæ cupijt primis conferre calendis:
 Nec fecisse piget, meritum nec luce dedisse,

Roma-

Romuleos trabea solita qua tollere fasces.
Attamen istius pars anni ut nulla vacaret,
Occupat auspicijs ipsis ut inauguret eius
Prima rudimenta, atque ut Franca consecret aula.
Oceani segnes è gurgite purus Eoo
Extulit annus equos brumali sidere vernus,
Et sudum ostendens alieno mense serenum.
Prodierant pigris hibernis agmina tota,
Crispâque per patulas undabant signa nouales:
Clara dies hilarat penitus Maortia corda.
Imbuat ut miles nascentis protinus anni
Primitias virtute parat: tua Visus ausa
Concipit E R R I C E, & tua fortia iussa capeffit,
Atque agmen rapit, ut quid proxima spodeat aëtas,
Tum proludat hyems, spemq; hostibus auferat omnẽ,
Indicâtque metum, diroque sub omine mergat.
Est locus extremis quâ sunt confinia terris
Picardi & Flandri, Thetis quâ reflua ponti
Ambiguus vel inundat aquis, vel nudat arenas:
Et controuerso toties qua limite cedit,
Vindicat alternis, seque in sua iura reponit:
Calisium haud priscis notum dixere minores.
Hic angusta freti dirimunt discrimina Belgas,
Anglorâmque latus, medijs qua diuidit oras
Interfusus aquis pontus, compendia nautis
Traiectus monstrat breuis, & commercia mundi
Citro ultro iungit, strictas & plurima fauces
Mercibus Hesperijs onerata carina pererrat.
Terrens hic olim campus, dum præpete cursu

Iccius

*Iccius aduersa transmittit carbasia terra
 Portus, & ad reduces exporrigit ora fascellos:
 Dúmque sinu Gesoriacum penetrare reduçto
 Longius, immissum penitus salis alluit aquor:
 Nunc caua caruleo quâ gurgite saepe tenebat
 Pinus iter, sulcos insindit durus arator,
 Exercetque solum, glaucis regnatâque diuis
 Possidet arua Ceres, campi quâque ante natabant,
 Turrita Audomarum muri cinxere corona.
 Calisy sedem post optauere coloni,
 Et legere locum laribus: tum paupere cultu,
 Et temerè extructis, rudibûsque mapalibus illum
 Insedere, casisque & agresti culmine vicum.
 Anglos dein veritus pinnis atque aggere firmat
 Francus, & equoreo voluit considere claustro.
 Proh pudor, obscenum posthac incesta maritum
 Uxor Aquitanis dotalibus inuehit aruis,
 Et te Picto dicat, propriumque adiudicat Anglo:
 Colliditque domos, iuratâque bella quietis
 Inspirat populis, regum communis Erinnyis.
 Non sic Tartareis Aleçto emissa cauernis
 Armaret gentes odys & bella cieret.
 Anglum etiam proauita mouet Normania: namq;
 Eiectum grauitè Franci se vindicis armis
 Patronique dolet: potiorecm iactat iniquo
 Assertore pium tam longa sanguinis esse
 Hæredem serie, repetitque à stemmate iura.
 Ille etiam Franca cupit aspirare tiara:
 Testaturque genus maternum humanâque iura.*

Pollux

Pollutam queriturque fidem, legemque tuetur
Francus, lanificis que dextris regia sceptrā
Abnegat, & molli vetat clanguescere sexu.
Calisium hinc longa capit obsidione, suoque
Fertilis vber agri Normana noualia Saxo
Adiicit imperio: solio tunc imminet ultro:
Et coniurato Burgundi Marte inuatur,
Burgundi, qui patricia tum cade cruentua,
Proditor ad sceros commissā luenda nepotes
Transtulit, & cade hac & proditione profanus.
Carolus ut tantam videt impendere ruinam,
Has disiungit opes, Burgundāque fœdera sancit.
Virginis hinc Anglos ductu (mirabile dictu)
Normani depellit ouans & Vasconis agro.
Hæsit in extrema celebris victoria meta,
Calisium tentare timet. Tu causā timoris
Angle, quod vndenos sese repararat in orbes
Luna prius, posses illa quàm sede potiri.
Cinxerat & vallo Burgundus & aggere frustra.
Ista E R R I C E tibi prouincia dura relicta est.
Hanc tamen hiberni cum pulsan̄t aquora Cori,
(Auspice temperies sed numine verna refulsit)
Cum nemorosa feras villosō tergore produnt
Frigoribus sua lustra, mari dum nauita cedit,
Rura gelu dum claudit hyems, dum segnis arator,
Omnia nature dum fœdere bella quiescunt,
Luce urbem decima recipis fœlicibus armis,
Quam vix undecimo mense expugnauerat hostis:
Luciferos nec tot numerat tua laurea fœlix,

Hostica

Hostica quot lunas prior imputat: & tamen illum
 Munierat natura locum, manus arte Cyclopum
 Obuallarat, & à terris abstraxerat aquor
 Immissum feruente lacu: sed & alueus aestu
 Illabente maris, pleno se gurgite tollit.
 Qualiter Euboicis exundat, littus in oris,
 Cum tumet Euripus reuocatis concitus undis:
 Cumque annus rapidi sentit momenta leonis,
 Nilus ut aestua se mole superiicit aruis.
 Censeret terris Neptuni auulsa tridente,
 Ceruleis transmissa vadis fundamina cingi,
 Urbem telluri limes nisi iungeret arctus.
 Hunc scopulum quis quaso capi sponfore putaret
 Posse Deo? certusque fidem quisnam auctor haberet?
 Expugnare duces tibi, quorum nota Gradiui
 Militia est virtus, E R R I C E necesse, priusquam
 Urbem oppugnares, multis fuit usque diebus.
 Tendebant contra, quodque haud promitteret aestas.
 Credere nolebant hyemis glacialibus auris,
 Quae fouet obsessos obsessoresque fatigat.
 Caesareis fortuna fauens conatibus, urbis
 Mediomatricum deprensa est mœnibus, ac se
 Inclementi hyemis tum tempestate repulsam,
 Indulgere suo nequicquam sensit alumno.
 Ille suas affixit opes, dum prouocat amens
 Concretam glaciem, nimboſque niuésque laceſſit.
 Is sapit, hostili quem facta pericula damno
 Erudiunt. E R R I C V S ad hac, se fidere coëptis,
 Augurioque animi quodam se impellier inquit.

Dege-

*Degenerem se scire hostem, quem effœminet illa,
Qua regitur malè fortis anus, tristisque Megara,
Supplicys quæ sæua suos immanibus olim
Fregit, & ingenita quod erat virtutis ademit:
Summæque decussit tondente papauera ferro:
Exilijs vel dira solum mutare coëgit.
Faminea reliquum quod sese emancipet aule,
Vulgus iners, vilè que anima, cadique parata,
Ceu pecudes, conferre manum & pugnare perosa.
Quos proavi vicere mei ductrice puella,
Hos ego rugosa vetula regnante timerem?
Ille gynacæo pensisque assuetus Iberus,
Delicijs qui totus hebet luxuque liquefcit,
Faxo sua mihi cum Cleopatra Antonius amens
Expendat, pœnas, & supplex arma recondat.
Ille leui afflatu fortuna credo, beatum
Se putat esse, tamen sit ei victoria faxo,
Non minus ac coniux sterilis, quo pendat eadem
Coniugium & palmam trutina, nec speret utrinque.
Carolus asseruit qui victo Saxone Francum,
Saxona Burgundumque ingo disiunxit amico:
At me rapta iuuant geminato ex hoste trophæa:
Coniunxisse placet, semel ut defungier uno
Marte mihi, & gemino liceat clarere triumpho.
Frigore nec moueor: medijs Aquilonibus Alpes
Gentibus innumeris stipatus & agmine Pœnus
Annibal immenso, superauit, & obuia rupit.
Tunc passa est natura iugum, celsoque minantes
Cælo submisit scopulos & iura recepit:*

Atque

Atque infessa hominum statione cacumina vidit
 Ardua, pennigeris volucrum vix peruia seclis.
 Quem populum terris imponere fata parabant,
 Concussit labor ille ducis, populique ferocis
 Pulsa loco est virtus, strati que cadauere campi.
 Lydia Achamenio sunt subdita regna tyranno,
 Frigoribus dum sauit hyems, non ipse serenos
 Alcyonum despero dies, quibus aquora mulcet
 Iuppiter, egelido cœlûmque tepore relaxat.
 Nec nostros prohibere leue ac reparabile damnum
 Successus valet: offenso illi quippe tenore
 Fortius insurgent maiori mole coorti:
 Amnis uti rapido qui creuit plurimus imbri,
 Obice sistit iter, mox eluctatur inertes,
 Perrumpitque moras, secûmque in prona voluta
 Quicquid obest victor, cursûque citacior exit.
 Acrior est virtus quam suscitât ira dolorque:
 Irritata venit, quæ morfu saucia damni
 Angitur, & querit collectis viribus hostem.
 Quare agite, & rapto, potitur quo perfidus Anglus,
 Ceu spoliûmque ostentat, & hac ceu vindice gleba,
 Mancipij esse sui contendit Francica sceptrâ,
 Vos hostem spoliare duces, actosque profundo
 Reddite iam toto diuisos orbe Britannos.
 Maxime Francigenûm cœlestia, Visus inquit,
 Cuius in arbitrio sunt lilia, terror Iberi,
 Saxonis horror, amor patriæ, cui cedit iniqua
 Sortis acerba manus, se purgabitque nocentem.
 Quod tua deseruit, diuersaque castra secuta est:

En

En ego, quæ mandas, præsto sum ut iussa capeßsam
Auspice te, diuósque tuos mihi dante secundos,
Aspera militia haud fuerit, non si agmine celsas
Ipse remetiri cogis brumalibus Alpes
Frigoribus, trepidámque armis obsidere rursus
Italiam: si regna iubes in Daunia bellum,
Seruiet hæc deuota manus: foelicibus armis
Quæ sceptris adiuncta tuis regna illa dedisset:
Ni temerata fides illic, pollutáque turpi
Fœdera sancta forent caupona, & perfidus hospes,
Æquato velut ancipites examine lances,
Inclinasset eam in partem, propensius unde
Auri pondus erat: nam dum ferit ille morarum
Innectitque dolos, dúmque insidiosa susurrat
Discidy commenta, fidem & disiungit amicam,
Inspirátque odium, & socialia distrahit arma,
De manibus fortuna meis elapsa recessit.
Nec tamen interea campo se comminus hostis
Opposuit, clausúsque suis in mœnibus hæsit:
Degeneres veluti fouère cubilia siluis,
Et latuère fera. Nunc quæ mihi præcipis, illa
Exequar, extorrem trans & mare Saxona mittam:
Victorem & te Calisio præstabo recepto.
Tempus erat, quo bruma rigens graue frigus anhelat,
Threiciúsque solum Boreas atque asperat undas,
Et quo constrictis durefcunt flumina crustis,
Calcantúrque rotis, insultantúrque pedum vi,
Congerie quo ligna focis coniecta cremantur,
Et vix horrentem defendimus aëra tectis:

Sed

*Sed simul ac campis crispis fulsere dracones,
 Et legio egressa est, qua milite cingeret urbem:
 Ipsa repens desauit hyems, frigusque remittit,
 Vernaque temperies non sucto sidere ridet.
 Ille sator rerum reducem qui temperat annum,
 Qui nouat aestates, reuocat qui verna serena,
 Qui rigidas hyemes, autumnum quique nocentem
 Certa lege refert, mutauit fœdera rerum,
 Atque vices, properata tibi qui verna reduxit
 Tempora, & ante diem brumalia frigora soluit.
 Hunc cœptis fauisse tuis non ulla fuisset
 Æstatis tam certa fides, nec signa dedisset
 • Tam manifesta tuis, rigidas quàm quando pruinæ
 Corpore semifero semper Capricornus anhelans,
 Lenior incubuit terris, auræque niuales
 Discussit, latumque afflauit veris honorem.
 Augurijs alijs quid opus? præsentia diuûm
 Quenam alia explorare cupis mage fida fauentum?
 An defixa polo solis rota clara, diemque
 Longius extendens, stantèsque experta iugales,
 Certius affirmet rex numina rebus adesse
 Fausta tuis? horrenda gelu tibi bruma remisso
 Ecce tepet, sternitque tuæ placida equora classi:
 Et venit ad partes ultro, inuitatque morantes:
 Frigora dedidicit tempestatèsque remouit:
 Non tam presentes potuisses noscere diuos,
 Commoda legisses si tempora: militat æther
 Auspicijs E R R I C E tuis, mundi que sequuntur
 Ipsa elementa deos, & coniurata fauorem*

Com mo-

Commodat insolito moles operosa sereno.

Hac animos hosti frangunt: tibi cernit amicos

Quos timet aduersos diuos: & sperat iniquos,

Quos aquos videt esse tibi: praeiudicat annum.

In reliquum tam mitis hyems decurrere votis

Tempora grata tuis. si quid tentauerit hostis,

Obruet aut pelago naues nimbosus Orion,

Aut harebit iners legio pluuiaribus hædis:

Signa mouere loco nec erit, nec vellere plantam:

Aenea voluenti nec agetur machina curru.

At legio pugnam, cæli defessa procella,

Si tentet, tibi terga dabit cadenda, nec ique

Marte tuo data sternet agros, & clade notabit

Profligata locum, serisque nepotibus edet.

Visus, ut iusti, crebris stationibus urbem,

Obsidet, Euripi quaque vnda reciproca cingit

Arcem, tormentis murisque atque aggere firmam,

Verbere crebra quatit: tum rauca tonitrua vicit

Murales torquens immani pondere glandes

Machina: fulminea non sic se lampade vecors

Salmonæus iactauit ouans, talémque fragorem

Non dedit, æthereos quando affectauit honores.

Ilicet ingenti muri patuere ruina.

Corripiunt aditum duo mox fortissima belli

Robora, restantem cupidi expugnare cohortem,

Stroxius, Aumalusque: loco mox pellitur Anglus:

Cedit & arce: manu qui si contenderet hilum,

Mox maris illapsus vel nostros mergeret æstus:

Aut interceptos diuisosque obice ponti,

B

Hosti

*Hosti mactandos miseranda morte dedisset.
 Temporis hoc de te breue decernebat & hoste
 Momentum: articulo hoc victor victusque dabatur.
 Propugnasset enim aduersa pro parte tumescens
 Pontus, & euerse labem sarcire ruina
 Impressa fossa licuisset & aggere iacto:
 Spes & adempta foret potiunda funditus urbis,
 Si qua animo virtus Anglo roburque fuisset.
 Hora sextantem qui si durasset in hostem
 Vicerat: aduersum sed enim duo fulmina Martis
 Strozius, Aumalusque loco pepulere feroces,
 Arcemque precipitem exturbat, funduntque fugantque
 Postmodo flagitij tanti sed poenitet Anglum,
 Praesidiumque, animis pelagi seruore receptis,
 Distractum medys interlabentibus undis
 A castris, tentare parat, pugnamque laceffit.
 Merferat Oceano rutilum nox humida solem:
 Sublustris sed clara polo Diana micabat:
 Illa acies seui mutata sorte pericli,
 Sublimi est specula caeli concurrere cernit:
 Qualis Olympiaca sedet olim in gymnade iudex,
 Solemnes referunt sacra cum quinquennia ludos.
 Qui prius obsessi fuerant, obsidere certant.
 Sed potior Francus quaesita laude locoque:
 Anglus at inferior concessa laude locoque.
 Saxone Franci animos attollit adorea pulso:
 Attamen irritant nihilominus acriter Anglum,
 Natique, uxoresque, larésque, araeque, focique,
 Atque abolere parat, deserta dedecus arcis.*

Illam

*Illam multa viri per noctem fortia miscent
Vulnera: tormentis volucris pila nulla quiescit:
Non validis excussa toris lethalis arundo,
Liuida Tartareo non glans explosa boatu,
Non tela aut ignes cessant, non mucro coruscus.
Plura refert tamen Angle loco congressus iniquo
Vulnera, Francorumque tui sub Marte manipuli
Multa cade cadunt, vultumque auertis ab hoste.
Interea prodit tenebris Aurora fugatis,
Albescitque dies, refugusque relabitur astus.
Tum verò haud dextra Saxo defendere fissus
Vrbem, velatis manibus, modò viuere pactus,
Omnia Visiada diuina humanaque dedit.
Regina ut captam mox nuntius attulit urbem,
Regalem lacerauit amictum, & pectora planxit,
Perdita, damnavitque diem, vescique negauit,
Et cœtum auersata hominum penetrale petiuit
Multa gemens, diro peregrinas omine thedas
Execrans, pepigit quas nobilitatis iniquis
Infestisque animis plebis, tum perfida misso
Inratum violasse dolens interprete belli
Fœdus, & Hispanis interuenisse periclis.
Hic furias malè sana vocat, quibus acta duellum.
Indixit: vocat & Bellonam, Erebumque, Chæosque
Ingeminat, miseram cupiens abrumpere vitam.
Tres illam perhibent secretam ex ordine lucas,
Et totidem noctes potu caruisse ciboque:
Ieiunis quarta vix faucibus admonet escas
Luce: quod at vita reliquum est exhauriat, optat.*

B 2

Nobi-

Nobilitas plebésque & fontem deuouet Orco:
 Quæ rupto infaustum contraxit fœdere bellum,
 Exterâque indigenis spretis connubia legit,
 Regia ut Hispânis enuberet Anglica sceptris,
 Contempta gente externo transcripta colono.
 Sæpius ista fremunt: paulatim gliscere cruda
 Seditio, & sauire animis ignobile vulgus,
 Atque orbes glomerare, odiique accendere causas.
 Regibus & multis casis gens illa cruenta:
 Principis & superis consuevit morte litare,
 Publica in exitium conuertens damna potentum.
 Dedendam esse neci clamant, eiûsque piandam
 Interitu cladem: hic quorum scelerata propinquos
 Sustulerat, stimulos addunt, acuiuntque furorem.
 Dissacerent unâ caderent ut compare plaga,
 Coniugio iuncti rex & regina sinistro:
 Fœmineus ferrum cruor haud satis imbuet: ille
 Accedat iugulus, quo fœmina capta nocente est,
 Ad bellumque impulsa: caput luat illud Iberi,
 Quod patrauit opus: si non pote, fœmina saltem
 Calisio inferias funesto sanguine mittat.
 Qua Diuos E R R I C E tibi pietate secundos
 Tam meruisse potes, faciles ut vota quod ultra est.
 Donent? Calisium sat erat tibi M arte receptum:
 Hoc cumulant meritum Anglorum ciuilibus armis,
 Et regina odio, Burgundum & fœdere rupto
 Exarmant, prouum vinci minimèque rebellem,
 Consociet nisi castra, suo tueatur & auro
 Anglus, qui socys abscedet protinus armis.

Euen-

*Euentura loquor, firmabunt omina Diui.
 Fortè nouis ingens animi successibus Astur,
 Prosp̄ra cui latos tulerant, æstina triumphos,
 Inferiora Dijs ut non sentiret, & ultro
 Stellanti iaceret maledicta minantia cælo,
 Ocia fallebat lusu, Francosque proteruis
 Vsq̄ue iocis amens lacerabat, & vsque rogabat
 Nōne pruinosis gelidoque sub ætheris axe
 Hibernis positis algeret Francus? & eius
 Stiria in impexis duresceret horrida barbis?
 Quē vapor æstiuus, duraque offensio pugna
 Percalēscisset, glacies nōne ureret aque?
 Quāquam tum insolito vernabat sidere cœlum.
 Is simul ac captam, dum luderet, audiit urbem,
 Percussus stupuit, gelidusque per ima cucurrit
 Ossa tremor, steteruntq; comæ & vox faucibus hæsit.
 Dein ad se ut rediit, disiecit ludicra, & agro
 Pectore crebra gemens mœstus suspiria duxit:
 Et singultanti quernulam vocem edidit ore.
 Armis men' positis deprensum & milite misso,
 Improba destituis fortuna atque obycis hosti?
 Siccine de manibus nostris elapsa repente est
 Laureæ? sic Francum nec belli incommoda frangunt,
 Sana nec horrentis remorantur frigora bruma?
 Mēque hyemēque pari traductos ille triumpho
 Victor aget: non ex facili certamine laudem,
 Non a quo petit ille iugo, qui tempora victus,
 Victorēque parat communi clade notare:
 Hisque triumphatis memori se tradere fama.*

Saxonibus quid dico, mea quid dico Britanna?
 Quos ego composita felices ante quiete,
 Inuitos placidam temerando rumpere pacem,
 Iure profanato & diuini pietate coëgi?
 Ista manet merces illos queis chara fuere
 Commoda nostra magis, quam sanctum fasq; bonūq;
 Religio nostris queis vilior vñbus? ecquem
 Inueniam posthac facili qui peieret auso,
 Imputet atque mihi violata pignora dextra?
 Iamiam perfidia Parmensem pœnitet acte,
 Venit in Hesperiam si prapete fama volatu,
 Talia que pernix momento remige penna,
 Nuntiat Aurora populis, solisque cadentis
 Qui Maura stridere globum nugantur in vnda:
 Nec paria euentis narrat, sed guttura mille
 Soluit, & in maius damna omnia semper acerbat.
 Et si vix poterit lingua superare loquaci
 Dedecus acceptum, & capta infortunia sedis.
 Hac pelago imponit frenos, hac cerula Nerei
 Regia, ceratas cui fas parere carinas.
 Imminet hac Flandro, in ceruice & faucibus urget.
 Hac diti exunijs raptis ex hoste superba,
 Primitijs delubra Deum ditabit opimis,
 Curuabitque tholos, adēque relinquet inanes
 Quæstori, & nostri minuet compendia fisci:
 Auertētque tuas lembis Anterpia merces,
 Prædatrixque auidi dirimet commercia mundi:
 Threicio ceu qui metatus littore sedem,
 Angustum bouis accoluit de nomine pontum.

Huc

*Huc & ab Hesperio qui sueti & cardine Eoo
Tendere nauigys, sistent iter, atque quiescet
Orbis opes solitus Flandris portare catapulus.
Nec mihi, consultum est exhausto sumptibus, unde
Pugnaces reparare manus ad praelia possim,
Venalesque tuas Tento conducere dextras.
Gens conducta meres aduersis hospita castris:
Quæque gerunt alij pia, tu ciuilia bella
Sola facis, ferrumque in ciuis viscera condis:
Dumque alijs vincis, tibi vinceris: atque iuuentus,
Quæ melius sancta pro relligione periret,
Lucro animam impendis, pretioque paciscitur hostem,
Testaturque hominum nunquam se deesse furori:
Ausâ pharetrato non comminus ire tyranno:
Virque in Christicolas, in Turcam sæmina pugnat.
Hac ille immani consumptus corda dolore:
At parte ex alia, festis gaudere choreis
Francorum populus, vitis innectere diuos,
Et celebrare Deum delubra, & limina fronde
Spargere, & in cunctis ignes accendere vicis:
Latitiâque agitare epulis cantuque iocoque.
Tum de te, Vîsi, quis non est grata locutus?
Burgundum quoties equitem memorare iuuabat,
Precipiti dare terga fuga turmalibus alis
Antè coëgisses: Metis sub mœnibus utque
Ipse triumphalem fregisses Cæsaris axem.
Tu formidatum mundo vincique negatum
Posse caput primus superas: tu frangis equestres
Victor scloporum cuneos ad Rentia castra:*

*Te Belga timuere truces, te fortis Iberus:
 Te propè Cæsarea fugit statione relicta
 Carolus, ut trepidas vidit nutare cohortes.
 Tu quoque in Hesperia magnam non agmine magno
 Per medios hostes penetras, & salua reportas
 Signa domum, iusto luctatus cum hoste, tuique
 Cum capitis caupone, fidem qui prodidit auro
 Perfidus, & socium nudauit milite pacto.
 Nunc etiam extrema restantem in calce Britannū
 Littorei Belga, maiorūque ora notantem,
 Stigmāq; inurentē, atq; ut compede regna prementē
 Gallica, dux victum trans æquora glauca remittis
 Impingisque vadis patriæ. nunc naufragus Anglus
 Eiectusque miserque suæ est illisus arenæ:
 Qui vasti à nobis aberit discrimine ponti.
 Præclare fines, Visi, regis arbiter æquus.
 Sapius hæc iterant, satias nec carminis vlla.
 Nec fratrem, cui purpureo velata galero
 Tempora, prætereunt hilares, patriamque beatam
 Esse pari fratrum celebrant, quorum arma tubasque
 Alter obit, victor patriæ decus atque reportat:
 Consilijs vsūque togæ præstantior alter
 E R R I C I releuat curas, & corde capaci
 Sufficit & Musis, & rerum sustinet ætus,
 Partitūque vigil tempus dispensat utrisque.
 Squallida barbarico nec secula nostra veterno
 Esse sinit, castas nec mendicare Camænas.
 Visus hinc pergit, raptōque citatius omni
 Agmine, turritas ingenti mole Vinarum*

Arces

*Arces circumdat pluteis, & verberem multo
Tormentorum, apices pinnasque & moenia pæsum
Deicit, aggestumque solo mox æquat acervum
Iunctus erat muro qui terreus, hinc tuba cantu
Signa dat, atque acrem ciet ad certamina pubem.
Primus ibi ante omnes iuuenum comitante caterua,
Infero Andellote gradum, atque inuadis in hostem:
Et comes accedit Memorantius inclytus, ambo
Fœlices, si non desideret iste parentem,
Tu fratrem, indignos duri quos alea Martis
Importuna fero captiuos traderet hosti.
Hos rapidus Rhodanus, vitreis hos Sequana lymphis,
Hos liquidus Ligeris, slerunt hos marmora ponti.
Mox ruit his ducibus tanto impete feruida pubes,
Quantus Hyperboreis Aquilo prolapsus ab antris,
Incumbit pelago campisque natantibus instat,
Et posset alijs sibi vindicat æquora ventis:
Quaque dedit sonitum, maria inclinata propellit.
Non hostes sufferre valent, metit efferus ensis
Saxonag, Hispanumque trucemq, ad barbara Belgæ.
Sternitur omnis humus, cereali ut mergite passim
Stratus ager, frugum expositis per rura manipulis.
Vnus vix tanto è numero tu Græe superstes.
Seruatum lucro quàm casum impendere ferro
Maluit, & prædam quàm miles inane cadauer
Optauit potius: tu saluus vindice nummo.
Ista bisfrons expensa tulit tibi munera Ianus,
Atque tuis annum cæptis E R R I C E sacrauit,
Qui te tam largæ donauit pignore strenæ.*

Succes-

*Successus urgere tuos & adesse fauori
 Cœlicolũm sis quæso memor: nunc hostis inermis
 Militibus caret & nummis: occurrere Diuis
 Quid lentus cessas fautoribus? anne relinques,
 Quos faustos precibus votis & emacibus antè
 Optasses, fibra & pecudum censuque mereris?
 Esse duces cupiunt, comes hos ut passibus æquis
 Ipse sequare, vide. tibi si, dum sæua procella
 In regnis grassata tuas euerteret urbes,
 Hanc aliquis Diuũm certo promitteret horam,
 Credere vix posses: sed si tamen illa veniret
 Hostis perniciem inraret: contigit illa:
 Inyicienda manus, ne mox præteruolet: hostis
 Ille tuus ducit dum segnia tempora victor,
 Se vinci sensit lapsasque resurgere partes.
 Funesta Latio manarant sanguine Canna,
 Et Pœni modios cumulauerat annulus auro:
 Dum tamen ille sedet, dum cunctaturque vocanti
 Fortuna præsto esse comes, Romamque iacentem
 Respirare sinit, Diuũm irrita munera sensit.
 Nam velut execto collo numerosior Hydra,
 Multiplicata suis damnis, violentior hostem
 Crenit in aduersum, decus illi & frondis honore
 Eripuit, victrixque Dys solennia soluit.
 Imperium est mundi iuuenis Pellens adeptus,
 Dum victis instat, dumque omni à parte timetur,
 Creditur & tergis herere fugacibus, & dum
 Hostibus improuisus adest, nec nuntius illum
 Aduentare serit rumor, venisse sed hostis*

Conspi-

*Conspicit oppressus, nec fudit ad arma vocare.
 Bella Dionæus quoque fulminis otior alis
 Cæsar, ut excussus Balearis verberare funda
 Gessit, vincendusque mora, fuit impete victor.*

DE PROVENTU POETARUM
 Calisio capto

CALISIVM quidni possis Heliconæ
 vocare?
 Quo capto vatum est tantus in urbe cho-
 rus?

*Quæ modo vix tacitis mussabant tecta susurris
 Vndique cygneo carmine pulsa sonant.
 Ipse loqui possum qui vix sermone soluto,
 En conor certisnectere verba modis.
 Si natura negat facit exultatio versum
 Pésque sua nobis sponte sub ora subit.
 Corne poëta canes, fiesque poëtria pica,
 Altera si laudem laurus honora ferat.
 Hoc meritum est ERRICTuum, tua laurea linguam
 Erudit, & versus docta magistra venit.*

EPI-



EPITHALAMIVM FRAN-
CISCVALESIIILLVSTRIS.

Franciæ Delphini, & MARIÆ STV-
ARTÆ sereniss. Scotorum reginæ.



ONIO Musa lauitis quæ flumi-
ne crinem,

Auratâq; nitens testudine Delie Pa-
an,

Huc hilares, huc ferte pedem, celebra-
te choreis

Carminibusque diem, domitis quo latior Indis
Non fuit, optata sibi cum Minoida theda
Euantes inter Satyros Nymphasque iugavit
Liber, & æthereis monumenta dicavit in oris:
Nec cum placata Tirynthius antè nouerca,
Vina ministrantem thalamo sibi nexuit Heben:
Terrigenis nec cum victis Saturnius olim
Iunonem sceptris sociam cœlestibus auxit.
Inferat huc latum gressum matrona tonantis
Pronuba: quæque sacra sancis connubia flamma,
Adsis ô Erycina favens, Hymenæus & adsit,
Et Iocus, atque Charis pellucida veste fluenti.
Tu quoque ab undis sono Nereu caput exere ponto
Carulea indutus scutulata, Salacia præsto

Sis

Sit comes, & longis verrentes æquora caudis
 Tritonésque, & Leucothoë, Inousque Palaman,
 Et senior Phorci chorus, èque Anthedone Glaucus.
 Res agitur nam vestra. mari circumflua magno
 Insula, quam medys fundat Neptunus in undis,
 Nereïdi Scotæ regno possessa paterno,
 Delphino dotalis erit mox Regia Franco:
 Nereïs & vobis auctoribus apparat ipsa
 Nubere, & auspiciibus: qualis nec pulchra Dione,
 Cassia nec Pallas, nec erat Latonia Phœbe:
 Marmorea nec fronte Dryas, nec candida Nais:
 Nulla nec in terris, in fluminibúsue sonoris
 Par specie Nympha est, nec Hamadryas incola silvæ,
 Nec formosa Napæa, nec hospita montis Oreas,
 Quæ flauum tereti crinem modò colligit æuro,
 Nunc leuib' passum ventis diffundere donat.

Hæc gemmam superat, rutilum quæ diuidit aurû:
 Bacchatum hæc eadem superat formosa monile:
 In varios & cùm se pingit terra colores,
 Non tamē huic ullum florem quem comparet effert.
 Nec verò Pario sculptum de marmore signum,
 Non ebore expressum, fuluo non ære politum,
 In tabula aut pictum manus emendatius edet.
 An quæ magnanimum generavit mater Achillem,
 Se Thetis huic æquet nitidis argentea plantis?
 Ledaône parem quæ concolor exijt ouo
 Se ferat? Europam licet hæc Phrygiâque potentem,
 Rapta decem duro bello colliserit annos?
 An quæ Pisæam tabo maculauit arenam

Sanguis-

*Sanguinolenta nurus miserorum cade procorum
 Cuius emi thalamos ipsa bene morte putabant,
 Tantalides socero rapuit quam denique victo
 Auriga prodente rotas, axesque citatos?
 Omnes hac formas præstanti corpore & ore
 Exuperat, Paride & pomum vel iudice ferret.
 Hac tereti filo, & procero corpore surgit
 Primavera sub flore: /uo metitur & ultra
 Virgo se matres modulo, suggestus & alti
 Verticis humani capitis fastigia supra
 Eminet, & quarti vix est in carcere lustris.
 Huic decus & tantum speciosa frontis honorem,
 Invidit Cytherea Venus, populatæque sæva
 Diva lue, obsevit varis deformibus ora.
 Sic quæ pellicibus nuptæ insidiantur anaris,
 Quas forma plus posse dolent, medicata propinant,
 Pocula, guttata lentigine stellio quæ tu
 Inficis, ut vario signetur tergo vultus
 Discolor, & maculis linefcent ora subortis.
 Non tulit invidiam Cypriæ tamen æmula Iuno
 Non Pallas, rursus se pulchra in virgine vinci
 Tupe rata, nam quam possent, opponere victæ
 Vetrici, magica malus hanc si fascinus arte
 Deleret speciem, vel diro crimine morbus,
 Liuida quem tacito cantasset murmure Cypris?
 Illa superba suis tum formæ dotibus, atque
 Imperiosa bonis, quanto molimine sese
 In medium ferret? quanto subnixæque fastu
 Calcaret superas sædata virgine Dinas?*

Vtraque

Vtraque cœlum igitur medica quos arte magistros
Indigetes habet atque deos prece supplice poscit
Auxilium, charæ morbiq̃ue lenamen alumna.
Ilicet adueniunt, habilisq̃ue armaria cista
Expediunt, disclusa locis & pharmaca promunt,
Ambrosiæ succos, & odoriferam panaceam,
Nectar & æternum cum peonia glycysside,
Phyllirides Chiron, Amythaoniusq̃ue Melampus,
Phœbus acer secomes, natúsque Coronide diuus
Phœbigenæ, & nati Podalirius atque Machaon
Phœbigenæ, Pæonq̃ue Deis gratissimus arte
Qui medica est, Coi nec abest reuerenda magistri
Canities, nec Pergamei pia cura Galeni.
Hi vultum emaculant, nitidæ decor ecce inuentæ
Latior effulget, lepidúsque est pristina supra
Mox formæ cumulatús honos, damnóque venustas
Vberior, Venus est nec dedignata iuuare,
Quam sic sollicito curari vidit Olympo:
Et dixit, primæ mancant te præmia formæ,
Maior ut est nostra tua virgo Britannia Cypre:
Turpe mihi nec erit iam post te ferre secundas,
Cœlicolúm quæ cura Deúm es, quam lucifer idem
In regnum misit, diásque in luminis oras.
Priuatæ nil fortis habes, obnoxia nulli
Vixisti, foliòque rudem mox imbuít ortus.
Auspiciòque pari decurrunt tempora vitæ,
Et regni momenta tui: quin coniuge fœlix,
Inq̃ue manum mox conuenies, partúque beata
Liligero sobolem primæuo in sanguine Franco

Sufficies

*Sufficies, regesque parens sata regibus edes:
 Perpetua nec sola dolens carpere iuuenta,
 Effœta sterilique nurus nuptura senecta,
 Vicinam referens exacta etate Britannam:
 Qualis in Idaea mater Berecynthia silua,
 Formosum deformis anus quæ deperit Atyn:
 Et bijugo saltus peragrat subuecta leone,
 Cœlitibus ridenda Deis & amore pudenda.*

*Corporis has & Sortis opes virtutibus æquat
 Scotasuis, superatque magis, si cogitet artes
 Ingenuas, si virgineum quis rite pudorem,
 Religiosa pia si quis sacraria mentis,
 Pectoris & penetrale, animi sanctosque recessus:
 Ut minimum fortuna bonum, facièsque putetur:
 Vendicet & primas in ea sibi splendida virtus.*

*Hanc tener, & spacijs vitam primoribus orsus,
 Fœlicis patris fortunatissimus hæres
 Olim cum seris regem pronepotibus auctum
 Afferet E R R I C U M nitidi plaga lucida cœli,
 Connubio ducit stabili, diuumque virumque
 Ominibus plausuque fauor fremituque secundus
 Quod sequitur, cunctorum animum & pertinet omniem
 Latitia, hanc gestu, vultuque, & voce fatentur.
 Maturasse Deos tibi coniugialia iura
 Crediderim, pulchra quam primū & prole parentē
 Conspecterent, queis nanque negant dulcissima stirpis
 Pignora, queis renuunt charos extollere natos
 Hæ vel anus nubunt, vel anus his ducere suadent:
 Precipis hinc quantum, tanto est fœlicior istis*

Iudi-

*Iudicio FRANCISCÆ Deūm: genialia demū
 Fœdera sunt, si quid generant. qui littora ponti
 Arida bobus arat, steriles qui versat arenas,
 Irritus est vanusque labor: sunt irrita iusti
 Pacta thori, si progenies hinc nulla sequatur.
 Nube caua minus est Iunonis falsus adulter,
 Connubio quàm sunt isti. dedit illa bimbres
 Centauros, istud tenues vaneſcet in auras
 Ludibry ſpecie, aut fallacis imagine ſomni:
 Fœdera nec populis nec regnis firma coibunt:
 Et malè concordī rumpetur gratia nexu.
 At duo perpetua conſtringes lege maritus
 Sceptra: dies Francis Scotiſque hac fœdera nunquam
 Diſſoluet: conuexa polus dum ſidera paſcet
 Durabunt. nino ſic vellere Parca fidelis
 Nunquam frangendum deduxit pollice ſilum.*

*Eſt generis tibi ſummus apex FRANCIS
 CÆ, nec ullus*

*Se memorare parem, vel nobilitate priorem
 Se iactare poteſt: aliorum clara propago
 Ornari veſtra ſe cenſet imagine cere
 Mentitòque petit non raro ſtemmate Franci
 Ornamenta ſuo generi. nam hinc omnis origo
 Nobilium, caput hinc, hinc fons ſcatet uſque perennis
 Diſſluus in riuos. decus attamen ecce ſupremum
 Nobilitas alio ſolio, ſuluumque leonem
 Liſigero miſces in ſcuti umbone vireto.*

*Hos tibi deſpondit thalamos pater optimus armis:
 Hos tibi purpurea quem cauſa contegit umbra,*

C

Conci-

*Conciliauit: eos sed iunxit pronuba mater
Matronale decus, cuius stola longa virili
Æmula pârque toga quemuis virtutibus æquat.*

*Concipe iam tantis aquos successibus ætus,
Atque animo metire virum, factisque parentem
Disce sequi, similes & nobis redde triumphos.
Is Belgis inferre manu lachrymabile bellum
Apparat, auditu iam territat arduus hostem:
Qui timidus veniâmq; petit, pacemque precatur,
Et vitta comptos pretendit supplice ramos.
Se meruisse malum scit, nec defendere posse:
Tanta virum moles, tantum ruet agmen equorum.
Omnia quod latè vice turbinis atque procella
Proteret immani strage, inuoluêtque ruina:
Nunc palmam eiurat, victusque paciscitur esse
Ante tubam, incerti nec ei placet alea Martis,
Pernicies Belgas ne certa a culmine sternat.
Immemor es nunquam simulata fraudis Ibere,
Nec vestri latuère doli: trahis usque morâsque
Nectis, ut effugias ducendo tempora cladem,
Militis & spacio se frangat ut impetus acer:
Aut belli nunc furtiva paras, obrepis & astu.
Sed tua pellucet fraus improba: munus habebit
Connubiale patris partum fœlicibus armis
FRANCISCVS Belgas: tantundem & qua-
rere natis*

*Exemplo patrio, doctusque hoc pignore discet:
Insistetque viam ERRICI, atque illustria facta
Reddet, & inuictum volet equiparare magistrum.*

Eueni-

*Euenient pòst ista: Deo nunc auspice festus
A nobis cantetur Hymen, genialis agatur
Iste dies, diro nec liuida lingua veneno
Obstrepat, obscæno nec murmure vulneret aures:
Litigiosa fori sileant vadimodia, prator
Iuridicus cesset, latrare tribunal, & atram
Nunc versare reis urnam quæsit oromitat.
Latitia vacet iste dies: ferrugine cælum
Deterfa niteat, sudamque exporrigat ethram:
Et tacitis sublapsa vadis se flumina voluant:
Cõprimat equor aquas, tumidis nec murmuret undis:
Et rapidi ponant venti, lenique susurro
Mulceat angusta Zephyrus sudantia turba
Agmina, qua totis inhiant spectacula votis:
Commodet alma suum rerum natura fauorem:
Approbet & nitido fœdus geniale sereno.
Faxit & athereos qui numine sustinet orbes,
Vt multis olim regnum voluentibus annis
Cum sene FRANCISCO senior pater istud
habeatis
Temperet, ut cœpit, iustis, atque augeat armis:
Semper & imperium Valesi domus inclyta seruet,
Et nati natorum, & qui nascentur ab illis.*

C 2

D E



DE NOVA CAPTANDAE
utilitatis è literis ratione epistola,
AD LEOQUERNVM.

EGO TIBI SALVTEM.



V O D quereris Leoquerne tuas al-
gere Camœnas,
Nulla operosorum quòd & emolumẽ-
ta laborum,
Mucida quòd farris vix est mordere

canini

*F*rustra tibi, genuinus & est persape quietus
Latranti stomacho, miseri cen sabbata verpi
Mandarint ieiuna tibi, pannucea vestit
Quòd malè lena humeros, malè quod cētūculus ambit,
Desine velle queri: versus scis ipse canoros
Pangere, sed nescis homines & fallere cantu.
Mercurium sibi iungit enim vel friget Apollo.
Ille dolis & prestigijs subrepat, & astu:
Occultoque homines scit delinire susurro:
Intrat & in mentes, blando fallitque veneno.
Delius hoc aliquid fortasse interprete possit:
Inuito nil posse putes. mentitur olores
Phœbaos persape vaster, quos rudere credas

Arcadici

Arcadici pecoris, rauce aut conuitia rana.
 Vis artes doceam quibus admirabilis esse
 Possis? obsequio grassare, & falle dolo
 Pectore Mercury, atque homines sic blandus inescat:
 Rem facies, & lautus eris qui frigore torpes.
 Imprimis ut qui in longinquas nauigat oras
 Deuehat, ut merces, questu tendatque locellos,
 Censeo in Italiam trans & gradiaris ut Alpes.
 Hinc preciosa venit merx, que nos ducit hiantes
 Desixosque tenet: si quis mendacia planstris
 Quattuor inde refert simulatis oblita fucis,
 Si Romam strepit ore, urbem sonat atque Pataui,
 Vndiuagos & si Venetos, atque Appula rura,
 Si pre se Gallas contemnit & improbus artes,
 Despuit inque sinum Galla sermone Minerva,
 Nauseat, offensusque cibo ceu pastus amaro.
 Has fraudes imitare: nihil studuisse iunabit,
 Hoc tibi si desit: studium si desit, & adsit
 Hoc tibi, de doctis facilis sit palma poetis.
 Nec peregrinari à Musis nugacibus esse
 Damnosum credas, dispendi non erit hilum
 Hinc tibi: namque solet cumulare profectio Musas.
 Tergeminum sophos inde feres, sapiensque merebis
 Censeri, doctusque: at si hic defederis, atque
 Te mœrore malo, & macie confeceris agrum
 Inuigilans studijs, rudis insanusque fereris.
 Est illic Helicon, illic Parnasia laurus,
 Et fons Pegasæ quem protulit ungula cornu,
 Sed memor hoc etiam præceptum in pectore condas,


*Tu Gallum dones Italis, verum Ausona Gallis
 Fac referas, cultu, incessu, gestuque, sonoque
 Italus huc versa tu pelle redito decorus,
 Mirandusque tuis, nostrorum hac esca virorum est,
 Hinc te suspiciet multum, qui riserit ante.
 Ere sed fuerit vel commendante galero
 Puniceo redisse domum, scriptoque libello
 Docti hominis celebratum te illic ante fuisse
 Non vili elogio, verum exemplaria nobis
 Deportes quibus insisus es, didasque viritim.
 Erueris populo te, & habenti nubila terra
 Hoc lusu: non fallit enim isthac alea quenquam.
 Sed memor hos captato quibus ventosa suprema
 Nomen doctrina prepostera detulit aula:
 Ad cyathum prandente salenti qui diuite totas
 Vbere cum Latio verbis euoluere Athenas;
 Omnia qui se scire putant, qui diuitis aures
 Infatuant, pascuntque eius, qui gestit apisci
 Ambitione mala doctrina nomen & auram,
 Quales Assyrio fulgentes conspicias ostro.
 Declamatores isti te ad pocula belli
 Non ad clepsydras, donabunt laude libenti;
 Diuidere & tecum Musas, & cedere partem.
 Cum sapias Italum coelum, baccamque Sabinam,
 Non nolent: sed eos tu compensare memento
 Officio, tua commoditans suffragia promptus,
 Atque vicem referens: testis non mutuus hic est
 Fraudi, relligio secus est fecisse videri.
 Prae cunctis tamen hoc unum meminisse velim te,*

Vi qua-

*Vt quascunque nurus studiosas aula loquetur,
 Insinues te illis: harum nam gratia parta
 Non agrè fatua te commendauerit auri.
 Sed quesita tibi sit opinio fraude, tuenda
 Arte, subinde aliquid non magnum scribe sagaci
 Cura, quod magni numeros referatue Maronis,
 Vel Marci linguam. Nam emendicata per artem
 Iungere verba queas, si non tibi saxeæ fibra est,
 Paucula, gustū etenī aut specimē dare plus satis hīc est.
 Edi nec tamen ista velim. nam qui sua vulgat
 Prostituit sese: fiduciaque artis habetur
 Quod plures faciant, id contempsisse videri.
 Quinetiam quicumque aliquid sub publica mittunt
 Præla notes ultro censor grauis atque sēuerus.
 Auribus hæc tua sed paucis lege, qui tua prompti
 Sint miraturi: fautores nactus & istos
 Puniceis recita petasis, nuriбусque superbis.
 Euge, sophósque feres, & præmia lauta merebis.
 Olim sed si quid vulgas, inscribere nomen
 Si sapias, ipse tuum meditata parcito chartæ,
 Ne quid abortiuus, malè prognatúsque parentem
 Nomine præscripto fœtus traducat ineptum:
 Nomine nam tacito potes explorare, videntur
 Qualia quæ scribis cunētis, nec fama vacillat
 Hac ratione hilum, si fors minus illa probentur:
 Agnita quòd non sint, incerto & patre vagentur,
 Expositi veluti pueri, vulgòque creati.
 Sin ea quis laudet, venias assertor, & ultro
 Esse tua hæc clames, auctor, vindexque, patrèrque.*

*Inseruire licet fama tamen, ut nihil unquam
 Scribas, aucupiū hoc facile est, pulchrum atque beatū,
 Si tractes arte. in manibus numerosius esse
 Sparge tuis magni moliminis argumentum:
 Indice te populus mox demonstrauerit omnis,
 Suspiciet te turba hominum, cœtūque loquetur,
 De regno quidam veterator dixit in aula
 Scribere se: Latium mox est & Cecropis urbem
 Creditus exhaustisse, parem nec habere putatus:
 Inde magistratus cepit, seditque curuli,
 Regibus emunctis, mucosa & nare reuulsa.
 Sed tamen huic fuerat de regno littera nulla,
 Nullus apex: sed fuit eam tamen usque superstes
 Famam, dum fera ludibria morte paterent:
 Nam vacui foruli, pluteique iacente reperti:
 Parcăque que fucum conuinceret una reperta est.
 Esse viris alius magnum de illustribus orsum
 In manibus sibi narrat, & astu decipit isto
 Iam tria lustra homines: sed nec promissa Metonis
 Annus persolnet iam lustra nouissima torquens:
 Ambitiosus & est quicumque, hoc nomine captus,
 Eblandiri hominem studet, & captare laborat,
 Hareat illustris quo tanti in margine libri.
 Grande operapretium est cautus veterator adeptus,
 Regibus & magno diuturna silentia vendit,
 Inducens Stygie clavis obliuia Lethes.
 Parthica nam vincet falsus mendacia: quenquam
 Auo nec memori tradet, sed sublinet ora
 Omnibus, & candens equus hunc portabit; alet Rex.
 Quis*

*Quis neget hunc nullo felicem (quæso) labore?
 Iunius hæc strinxi Gatianus, patre colono
 Cretus, & inuitis amplexus carmina rastris:
 Plura magister at his tibi suppeditauerit usus.
 Iamque vale nostri semper memor: inde futurus
 Auspice Mercurio vel verius ancupe felix.*



CONTRA GRVNII EPI-
 STOLAM.



O C merui sperare? parant hac præ-
 mia Diui?

*Vt quod ab impura lutulentus por-
 cus ineptè*

*Grunit hara, fecisse puter? quæquàm-
 ne suilli*

Ipse volutabri cœno oblenisse videbor?

Non ita Pegasidas sanctissima numina vatum

Fas odisse mihi, violareque, perfidus harum

Immundum ut liquidis immittam fontibus aprum.

Grunius hic quicumque, tuis sus, Dædala Circe,

Gruniat in septis cum turpi Elpenore clausus,

Ne latices turbare sacros, ne spargere labe

Dilectos Musis iterum temerarius ausit.

Illum adeo quod sitenuisse potentibus herbis

In

*In stabulis Aëa nequis, Calidonis ut olim
 Euaſtator aper, concurſibus undique preſſus
 Heroum, calido venabula ſanguine tinget.
 Hoc etiam reſtabat, uti cœnoſa Mineruam
 Nunc ſus pollueret, roſtroque laceſſeret unco.
 Ille laceſſit enim Dinam, qui ſœdat alumnos
 Illius, in gremio quos nutrit alma diſerto:
 Principibus quos erudit, magniſque ſacrauit
 Regibus, æterna mandantes nomina fama.
 Queis Deus è fuluo præcordia condidit auro
 Lumina quos noſtra voluit venientibus eſſe
 Ætatis, ne victa ſitu torperet inerti,
 Et tacitam denſa tegerent obliuia nube.
 Setigerumne pecus tales inuadere tentat?
 Quos homines inter voluit Deus ipſe micare,
 Ignes effulget velut inter Luna minores:
 Quorum anguſta ſonant, ſi quando nomina, lite
 Abſtinuiſſe decet, linguis omneſque fauere,
 Relligioſa Deum ceu curent orgia myſta.
 At pecus iſtud iners, cui pro ſale vita parata,
 Quodque animo nihil, at genio ſapit atque palato,
 Viſceribus veluti proprijs obſonia nobis
 Inſtruat, & nobis ceu cœnam ventre falſco,
 Ceu propria nobis è carne tomacula ponat:
 Concifa ponit doctõrum è laude minuta:
 Pròque ſuo nobis ſummiſſit fercula tergo.
 Huius & heu, pecudis modo vel me rumor iniquus
 Immeritum ſœda transformat imagine, vel me
 Garrulus Eumæum pecudis modo perſonat eſſe.*

Hoc

Hoc ego si feci, sceleratas cede paterna
Commaculasse manus, Divorum numina sancta
Impius & verbis credar violasse nephandis.
Quod me utinam nunquam numeros attingere Musa
Sivissent, nunquam carmen dictasset Apollo:
Ut culpa, sic nunc & suspicione vacarem:
Nunc versus fecere reum, non culpa nocentem:
Nostraque traxerunt innoxia carmina crimen.
Nunc vertens agitur paulo plus annus, haberi
In vatum numero cum coepi, versiculorum
Ob tricas apinasque: ha nuge, heu, seria mergunt
In mala precipitem, satyrarum scriptor haberi
Iam mereor, videoque nocens, suffusus amaro
Felle, & doctorum credor communis Erinny's,
Solvere Pierides vestris cultoribus hac si
Præmia consuestis, turpemque rependere famam,
Non mihi Pegasei tanti sit gloria fontis,
Parnasusque biceps, vestrique sacraria montis,
Ut mutare bonum cupiam cum carmine nomen:
Res vestras sed habere Deæ vos, atque valere
Iam inbeam, vestrosque pedes numerosque relinqua.
Sed tamen effrenis quæ tanta licentia lingua,
Ut læsæ sacros vates, Phœbique clientes
Mentiri me ausit, falsum & consingere crimen?
Quorum adeo charum est nomē mihi, sanctaq, fama,
Dente Theonino ut si quenquam fortè maligne
Morderi videam, non possim ferre, vicemque
Obtrectatori referam: mox scrinia nactus
Versibus ulciscar petulantis iurgia lingua

Ieiunium

Ieiunum in scurrâ quod carmen comprobât istud.
Nam Carlus si quid limaui doctius olim,
En malè pastus adest ad pabula protinus illa,
Et mordet roditque, malus quæ M omus amaret:
Rasa negat tereti vel torno scripta rotari:
Vel sensu nutare putat, vel verba disertî
Flagitat hîc etiam Ciceronis, & omnia culpat.
Hospitalis item si quando pœma peregit,
A Musis quod opus calatum, & Apolline dicas
Quæ brevis ignarus, procerâque syllaba quæ sit,
Carmen iter teneat vel quo pede nescius, ultro
Regia in impluvio medio circumdatus orbe
Vnguentatorum cirratorûmque rotundo,
Præclarus recitat, conducendûsque magister:
Gestus & eludit, mimaque argutia dextra
Dum recitat, crispo suspendit & omnia naso.
Et modò fastidit, nunc despuat, eleuat illa,
Nauseat his, laudatque nihil: cur denique, dicit,
Hic scribit versus & publica munera mittit?
Hunc agitat rabies, agitat fanaticus error:
Nec sapere hunc unquam duxi: sapit hercle pœta
Nullus, ab irata quatitur chorus ille Diana.
Sic furit in densâ vesanus scurra corona.
Hanc possum Satyrâ pro vobis scribere docti,
Dente Lycambeo si quis vos mordeat, amens:
Pennigero & possum sic ilia figere telo:
Sacrilegum sed velle nefas, in viscera vestra,
Et nomen rigidi ut stringam mucronis acumen,
Non magis hercle queam, quàm sanctis ipse Deorum
Unquam

*Vnquam funestos immittere sedibus ignes.
Par scelus utrumque est. namque & vos enthea Phœbo
Pectora qui geritis, Clarij delubra vocare
Ins & fas fuerit: qui vos violauerit, ille
Tutelam temerat vestram sacra numina Phœbi,
Dignus Apollineo qui sancius occubet archu,
Eius ut occubuit confossus arundine Python.
Quod si ut Leneo vitis vastator Iaccho
Ob meritam incunda cadit caper hostia noxam,
Victima sic Musas placaret amica luto sus:
Grunius è cecis mox erutus iste latebris,
Denoto porcus ingulo scelus omne piaret.
Ara cruentatur sed nullo sanguine Diua
Vestra, nec est vobis fas porci cade litari.
Forstamen ista lui cupitis si fonte cruore,
Deprecor illepido ne succidanea porco
Hostia substituar, scelus ut sua pœna sequatur,
Nec timeat, cuius sibi non male conscia mens est.*

CL. V.



CL. V. FRANCISCO OLIVARIO
Franciæ Cancellario.

IVRIS Olivari custos atque eius am-
missis,
Francisco cui sic regi adsedisse pote-
stas,
Adsidet ut summo iustissima virgo
tonanti,

*Æstimat æquata quæ rerum pondera libra:
Sicilicet ut nostræ tibi iurgia pauca quarela
Eloquar: indignor nos pacis commoda solos
Non sentire, quibus Phœbi sunt ocia cordi:
Sed bellum tolerare famis, sine fœdere nostra
Vsq̃ue triennali macie quæ viscera torquet.
Tabè quidem potuit tanti vel temporis olim
Interiysse Deus, si tam nec nectar haberet
Ambrosiâque diu, quàm nos stipis ære caremus.
Quam non ista fames expugnatura Saguntum?
Cecropiys quam non Melon domitura sub armis
Esset? & heu quas non hac proderet hostibus arces?
Exangues gerimus vultus, & pallida semper
Ora fame: Harpyias nostrâ & ieiunia macras
Andina referunt descriptas ritè papyro,
Ossea iam reliqua est nobis tantummodo forma,*

Qua

Qua larua & lemures pueros terrere fuerunt:
 Perque vias urbis malè dum reptamus inanes,
 V egrandi macie feralique ore notati,
 Occurrit quicumque, crucis signacula diris
 Obycit ominibus, manes ceu viderit Orci
 Emissos latebris, simulachraue luce carentum.
 Nec desunt magicis qui dicant esse susurris
 Excitas tumulis umbras Acheronte remissas.
 Nos alij nostri dicunt opprobria sceli,
 Qui saturis alijs & pingui abdomine tensis,
 Per plateas urbis monogrammi incedimus agri,
 Tabifica enecti soli esurièque famèque,
 Ceu seges annonam, messis victumque negarit,
 Atque homines vulsis pascant radicibus herba.

Hac prohibere potes solo ludibria nutu,
 Commodus hic nobis tua si suffragia prestes.
 Dedecus ac Regi est tam macros dicier eius
 Esse professores, nec eis procedere solis
 Militie as insta: nisi si transcribere creuit
 Funigerum in cœtum, vel mendicabula vulgi,
 Reginamque iubet nos eiurare Monetam:
 Nitriacæque procul nos hinc amandat in oras,
 Cogit & arbuteo fœtu baccæque rubente,
 Solinagos inter Faunos & secla ferarum,
 Solarique famem & ieiunia longa domare,
 Pullæque pelliceo substringere tegmina nodo.

Haud magnum, nobis si magno emensus acervo
 Auri constructi, fuerit sestertia pauca
 Rex animi haud parci: nihilòque hac paupere sceptro
 Is fue-


Is fuerit causa magis, & res laude feretur.
 Omnibus inuisas vel egestas nostra Camœnas
 Reddet, & in fastum se barbara natio tollet,
 Caupo, piscator, salisamentarius, auceps:
 Mendicisque suas Musis opponere gazas
 Non formidabunt, potiori ut sorte beati.
 Atque equidem rastros meditor iam transfuga libris
 Damnatis, studiūmve aliquod non nobile, pannos
 Quod laceros, quod pauperiem procul exigit à me:
 Arte etenim quamuis turpi pinguescere præstat,
 Inter Lectorum quàm ieiunare cathedras.
 Non moueor titulis, nec inani nomine Regum
 Ambitosus emo famam, si comoda desint:
 Regius haud Lector sine re & lare dicier opto.
 Esse rogatorum malim ultimus, atque proscuchæ
 Incola, quàm miserum sic ducere longius æuum.
 Qui sator est litis rabula, in ius quique viator
 Infantes duro iugulatos fœnore ducit,
 Rem facit, atque redit quesito pignore fœlix:
 Ocia lata fouent multos, & inertia præbet
 Quo mæchas & scorta beent: spurcòque redundat
 Lenoni quod detur, eis: ad præmia peccat
 Virginibus stuprum, nuptis qui probra susurrat,
 Blandus adulator splendenti fulget abolla,
 Regificas parasitus edax & ructat ad escas:
 Sola pruinoso glacialique horrida panno
 Esurit at doctis nunc gens operata Camœnis.
 O mihi si primæ redeant exordia vite
 Et liceat quod sæcter iter perpendere rursum,

Na Ma-

*Ne Maro, quantumvis Sirenum gutture cantet,
Me verò dulces primùm ante omnia Musæ
Accipiant, cœlique vias & sidera monstrent:
Non mihi suavis sono mentem excantauerit ore,
Ieiunas ut amem Divas, quæ nocte diæque
Lassarint ubi perpetuo me tempore, nudum
Dimittant, velut è medijs incendia flammis,
In sterili aut veluti fracta rate littore ponant.
Sim potius fullo, potius sim pastor, arator,
Ves pillo, pistor, sim calceolarius, auceps:
Mendicas quàm Calliopes sequar ipse catastas.
Pauca hæc sum nostra pro conditione locutus,
Sed tua verbosas non ferrent tempora nugas.
Offendant quòd si querulæ te murmura chartæ,
Non ego culpandus, rea sed facienda poetæ
Virgilij duris urgens in rebus egestas.*

D

A D



AD CL. VIRVM MICHAEL-
LEM HOSPITALEM, sy-
premiū præsidem ratio-
num regiarum.



OSPITALIS amor Musarum
deliciæque,
Carmina Cirrhæ non inficienda ca-
teruæ

Qui fundis Phæbusolor, quem gem-
ma decusque

Sidereum nostri veneratur Margaris æui,
Pegasei tutela chori Phæbique patrona:
Splendidus Assyrio necnon quem Carolus ostro
Observat castus Iouis Aonidumque sacerdos:
Accipe quæ falsis iniusta calumnia verbis
Obycitur nobis, & promitur ore profano:
Et Musas defende reas, fontemque Minervam,
Per latus hæc quoniam nunc nostrum utraque petuntur,
Multi in nos Anyti passim Melitique renati,
Socratico qui nos euertere crimine tentant:
Esse iuventutis nos sæva venena loquuntur,
Atque novos inferre Deos, noua numina, ritus
Insolitos, quicquid Germania denique peccat,
Nos sumus auctores, scelus & commissimus ipsi:

Plecti-

Plectimur & miseri, quicquid delirat, Achivi:
Et causam quamcunque sibi confingere malunt,
Noscere quam veram, pestisque exquirere venas.
Atqui vel meritò decerni premia nobis
Crediderim debere, bonos retinere solemus
Quòd iuuenès veterum in scriptis præstantibus, omni
Qua labe & labis sunt, suspicione remota.
Excutito iuueni veteris proba signa monetæ
E manibus, mox inuenies versare numisma
Ista recente nota quod cudit adultera forma.
Prisca igitur pubem qui non vult scripta doceri,
Ad noua mittit eam, & gentis commercia Græca
Qui vetat, à vitreo non improbat ille Lemano.
Gallica scripta etenim de relligione reuoluet
Marte suo solus nullo præeunte magistro,
Qui docti. & get sadatque ut Achaica discat.
Nunc adeo studio qui tam feruente docemus,
Vix tamen ad nostras paucos adducere sellas
Possumus: hinc longè fugiunt, horréntque laborem:
Faucibus ast auidis sitiunt haurire liquorem,
Mustea nunc nuper quem prodicta secta propinat:
Vnguiculis hoc à teneris cirrata caterua
Expetit, atque cupit primæuo flore iuuentus.
Gymnasia & quòd nunc minus esse frequentia vulgo
Cernimus, efficiunt de relligione libelli
Verna atque indigena: viget hæc doctrina viritim,
In studiisque hominum versatur deliciisque.
Adiuuat hoc vitium cui nostra professio dira est,
Et fouet aduersas partes: queis tradit inermes

D 2

Musarum

Musarum nos praesidijs & numine nudos,
Vnde amentatis defendi possumus hastis.
Quippe etenim nostra multa adiumenta parari
Hinc causa possunt, meliorique ille lacerto
Pugnabit, tali qui luserit ante palaestra.
Ingenuam quod si doctrinam hinc esse fugandam
Credimus, ah praedudicio quam nostra premetur
Causa graui, si nostra bonas exosa sit artes
Seeta, suberatum tactum velut indicis aurum.
De pietate reos quos torret flamma rogalis,
In cruce pendentes & viuo sulphure sparsos,
Cernimus ignaros humili de plebe Quirites,
Atque rudes Graiae iuuenes Latiaeque Minervae.
Nunc remoue Graiam pueris Latiamque Camoenam,
Supplicium cunctis laqueumque atrasque fauillas
Mandabis, quoniam succo tingentur eodem.
Rarus at est doctis de religione Deorum
Qui male sentiat est: si quando vsuuenit istud,
Prodigij simile est: at tralatitia fraus haec
Indoctos tunica solita est vestire molesta,
Et velut Alcidas Oetaeis tradere flammis.
Perfidus ille pie iuratus apostata seeta
Hostis, Romanas nutu qui flexit habenas,
Sanxerat edicto, quod & hos tentare videmus,
Graecorum ne quis libros tractare sophorum
Auderet manibus, Christi qui dogma probaret.
Dij meliora pijs, errorumque hostibus illum:
Et dirum quod nos scimus fecisse tyrannum,
Religio ut Christi penitus calcata iaceret,

Ne nos

Ne nos sancta sinant imitari numina Diuūm.
Augusti quòd si valuissent iussa profani,
Gregorius nullus, Basilus nullus & esset,
Aureus & mutò Chrysostomus ore sileret.
Atque Palestina cui Graia & pagina charta
Displicet, huic locuples reus est Hieronymus, alma
Relligionis apex, Latij doctissimus orbis:
Hac ope qui nixus supra, caput extulit, omnes:
Hac ope uti nudus, caput infra subiicit omnes.
Dij potius faciant, Musarum & praeses Apollo,
Vt ceu Circaeis quae grunijt ebria succis
Turba, nouas procul hinc cogatur quærere sedes,
Aut salsamentis laxos præbere cucullos,
Infantes nobis balba stribiligine linguae
Quae parit, atque animi claudos, & sorde sepultos:
Optima quàm veterum nobis monumenta virorum
Interdicantur, quàmque in praesepia fœda
Aei migrare gregis cogamur ab aula,
Frugibus inuentis & glandem dente molamus.
Archetypas quòd si statuas, priscâque toreuma
Calatum dextra, si dimidiata sigilla,
Et matilum Galbam auriculis nasoque minorem
Miramur, pretium nugis & ponimus istis:
Quanto Euangelij nos exemplaria debent
Archetypa oblectare magis, quae calite penna
Et medicus Lucas & Cepha a secula notauit,
Et vas delectum Domino, & sectator amatus.
Istos quod scripsisse scio, prostratus adoro,
Et veneror propè sacra ferens, non martyris ossa

Reliquiâsque colo prona mage mente piâque,
Quâm sanctis quæ scripta viris dictavit anhelâ
Numinis aura sacri: proprio cui displicet ore
Et sermone suo dum fatur Apostolus, ipsum
Eicit, & Christi legatum audire recusat,
Non nisi qui Græca ad Romanos voce profatur.
Regia si cuiquam formata diplomata, ceris
Et signata forent, cerebri sanine putares,
Si quacunque manu descripta tenere penes se
In forulis exempla domi quâm regia mallet?
Ob legem infandi populus M ahumetis Eous
Scripta Sabæa probat, nec scripta nefaria falsi
In linguas finit ille alias concedere vatis:
Et nos quæ primis signavit verba tabellis
Sanctior arcanos evoluens spiritus actus,
Pellemus? solâsque procul mittemus in oras?
Quæ scelus admissum fraudemque piacula solvent,
Si quis proicecto tam sit temerarius auso?
Hoc tamen heu qui tentet erit, quia diâ patrona
M usarum procul hinc parat ire sequique maritum
M argaris: in solo reliqua est fiducia Carlo,
Coccinei statione chori qui fulget in alta:
Huic bonus auctor eris, poterisque hunc recta docere,
Et tantum prohibere nefas. nam tendere contra
M uneris esse tui sentis: expectat id à te
Quisquis Apollineo mentem concussus ab æstro est.
Regis ut ergo mei præses rationibus instas,
Consule M usarum sic tu rationibus idem,
Ut non sit Paulo dediscere Græca necesse:

Nen

Nen reus incausa damnetur Apostolus ista.



EPISTOLA AD AMPLISS.

Cardinalem Carolum Lotharingum, de professorum triennali honorario, cuius parte re-
præsentata reliqui solutio æquis pensionibus
ab eo in singulos menses descripta fuerat, nec
tamen cùm venisset dies, pecunia numeraba-
tur, sed solutio differebatur. Hæc epistola, vt
conijcio, scripta fuit Francisco secundo rege:
nec tamen, vt opinor, missa.



*AROLE, qui tanti subijsti ponde-
ra regni,*

*Et tantam rerum molem sic viribus
aquis,*

*Herculeis vt non melius cernicibus o-
lim*

Sederit immensi conuexum tegmen Olympi:

Nec tamen interea Musarum dulcia linguis

Ocia, sed curas harum requiete relaxas,

Atque aciem mentis rerum molimine fessam

Thespiadum alterno reparas sermone sororum,

Sculptor uti gemma, visum viridante smaragdo:

Hæc violet permiste tuos vt epistola sensus,

D 4

Libellam

Libellamque tibi narret nec habere minutam,
De cathedra veterum qui declamare libellos
Sunt soliti, & regis sine nummis nomen honestant.
Summa quidem fuerat nummorum paruula nobis
Imperio subscripta tuo, sed curta soluta est
Atque arrosa prius libras hinc antè ducentas
Ille momordit enim, qui nostra negotia gessit:
Iacturam & queritur tamen & dispendia, quòd non
Plus ferat, euersum fortunis denique clamat,
Quòd quinquageno summam vix extudit istam
Lumine: decreuit demorso hinc summula frusto.
Quin & eam minuit mox permutatio mensa:
Nam gerulus veritus brumali mense latrones,
Per mensam nobis certa mercede locavit
Rescribi soluique domi: dein creditor acer
(Excubias agitabat enim speculáque tenebat)
Quòd reliquum fuerat mox unguibus inuolat uncis.
Sic veluti vento nubes impulsá proteruo,
Præteruecta oculos nostros est regia gaza:
Ac veluti somno visi sumus esse beati.
Irrita cœu vana ludibria sæpè quiete
Depingunt nobis auri argentique talenta:
Et mox diuitiæ discussa nocte soporis
Diffugiunt celeres, & inania vota relinquunt.
Odimus & rapuit quæ ditia somnia lucem:
Sic fuit inuisus raptotum creditor auro.
Auribus hinc tristes demissis castra mouemus,
Amisssam prædámque bolúmque è gutture raptum
Plorantes, corui delapsa è faucibus offa.

Quod

Quod loquor è Phœbi cœrtina credito dici.
Noster oberatus nam multis ciuibus est grex:
Ne tu fortè putes nostris nos esse beatos
In nummis, animam propè nos debere putato.
Exceptus numero tibi sit tamen vnus & alter,
Dote fac. rdoti quos vos ditastis opimi:
Nos inopes aly nati infœlicibus onis,
Pauperiem miseram superare binominis Iri
Possumus, & meritas à vobis ferre repulsas,
Officiosa parum, minùs ambitiosaque turba,
Atque addicta libris, auctioribus atque legendis
De cathedra, qui non vestra apparemus in aula.
Debita nos onerant hinc, estque precaria vita:
Mercedem hinc poscit pistor, mox flagitat autem
Et lanius, petit & caupo, caligarius instat,
Sutor item, poscit pannarius, atque minatur
Ni ferat argentum, leges & triste tribunal:
Obtorta cernice trahit sed creditor æris,
Nutritosque malis vsuris, & benè cautos
In tabulis nummos, nodosque arte ligatos
Ipse frequens repetit, pædoréque carceris atrox
Territat. oppositi nam nummos pignore fundi
Non cedunt nobis, verum obside corpore, simus
Municipes caci quo carceris atque coloni.
Non etenim nobis ager est qui spondeat ullus,
Corpus & in nexum fundi vice mittit egenus,
Et noxa, quod tota facit dispendia, dedit.
Obsidet ergo fôres nostras hinc manè petitor
Multus, & obsessi postico fallere, hiant

Cogimur

Cogimur ore lupos, vel tectis usque latere.
 Quinetiam si quando domo proripimus, urbis
 Insolitis diuerticulis solisque solemus
 Ire, vias celebres & compita nota perosi,
 Quâ soles expectare rapax hos miluus inuncans
 Qui debent, & proficimus tamen inde pusillum.
 Namque & in insidias, conuitiaque inde venimus.
 Creditor & qua non platea censemus oberrans,
 Oprimit incautos, aliqua exploratue taberna.
 Deprensi mentimur, & ut nos cumque valemus,
 Extricamus ab his. ventura recensio ceuque
 Credita militibus differt, castrensia quando
 Era repensuros alieno protinus eri
 Se dicunt, vanaque fœnent spe credula corda:
 Esse soluturos sic nos cum pensio nostra
 Venerit, aequatis à te descripta calendis,
 Dicimus: ast una venerunt: creditor urget
 Appellatque fidem, nomenque expungere nullum
 Possumus. ô lenta nimium tardeque calende,
 Quas vestri numerant, fasti, cum soluitis ipsi!
 Quàm vereor ne sesquenno sit longior harum
 Segnities, ne Mopsopij sint, fortè Metonis
 Seros que ducunt spatiosis tractibus annos.
 Quàm vereor ne fortè tui diuine poëta
 Carminis incipiant magni procedere menses:
 Annorum duodena capit si millia labens
 Magnus ad extremam cum metam voluitur annus,
 Vertentes qui mille trahunt: graciæne calendas
 Sufficer à vobis? non hoc tua Carole, credi

Nobili-

Nobilitas, verâxque animus permittit, amânſque
Muſarum, ſuſcepta tibi perſona reclamât,
Promeritiſque negant hoc culmine laudis honores.
Menſibus haud nobis longis opus: exigit iſta
Paupertas ſolui ſibi quâque diaria luce:
Vt iubet Hebraeus, ſi mercenarius eſt quis,
Veſpere mox homini mercedem ſolvere Moſes.
At verò nobis poſt ſera triennia demum,
Tadia poſt ſexcenta morâſque, aſpergitur agrè
Guttula mercedis, prece continuôque labore
Emendicata, ut nollit ſic ferre rogator.
Plurimus eſt voto ſanctèque palâmque profeſſo
Orbi mendicum qui ſpondet, egere nequitque:
Qui puto mendicum nobis tranſmittit habendum.
Quem quærit, quem iurat enim, quem geſtit apifci,
Nec valet, hunc remis veliſque euadere nobis
Non licet, hunc nullo licet excantare ſuſurro.
Sic moratus iſ eſt, fugientibus acris adheret,
Seſtantèſque fugit, nobis comes, auius illis.
Iurata multi ſunt paupertate beati,
Exuperântque opibus, cunctis & rebus abundant:
Quòd vouère illi, præſtare heu dogimur, atque
Laomedontea luimus periuria Troie.
Quæ noua ſurrepit ſecta, & mentitur Ieſum,
Dulce latrocinis prætendens nomen opertis,
Tartareis emiſſa vadis, ſpoliaria plebis
Inſtituit, ſperâtque ſuos ditare latrones:
Iâmque gregem paſcit ſimulatio dira rapacem,
Semper inuncantem viduarum è viſcere prædas,

Fallen-

Fallentem pueros & inertia pectora vulgi,
 Vernecum in patria crassoque sub aëre nati.
 O larva & lemures, vespertilionis habetis
 Caligantis opes, & caca pignora talpa.
 At nos, fallaces qui nec præstare sophistas
 Possumus aut volumus, populum nec depopulari
 Suenimus aut fraudare: solo nec vendere cælum:
 Qui rectum virtutis iter sine fraude docemus,
 Præmia quæ ferimus? vix ut toleremur in urbe,
 Quam spoliât, prado togulam cui fibula necit.
 Fœlices hos esse reor fatigue benigni
 Linigeri de classe chori, quos nutrit opima
 Militia, officio quos cernere sæpe solemus
 In vespertino, dum pulmo largus anhelat
 Cantorum, arguta rumpuntque arbuta cicada,
 Vocalique citat clangore vicarius hymnos:
 Indormire sacris, à divi soréque nummis
 In palmam missis, somno expergiscier alto.
 Stertentes quos lucra beant, somnoque sepultos,
 Inque sinum Danaës quæis aureus impluit imber,
 Quæis secura quies & corda oblita laborum,
 Quæis semper gravis ære manus redit ade sacrata.
 At mihi, peruigiles quem pernoctatio fecit
 Exanguem ad lychnos, omnem exuxitque medullâ:
 Aut, si quando vacat somno indulgere parumper,
 Qui matutini surgo ad præconia galli,
 Euigiloque fabris stertentibus atque quietis:
 Inde iuuentutis studiosa fingere mores
 Aggredior, mentem ingenuis atque artibus orno,
Præbenda

Prabenda doctus quod fecit Gersō relieta:
 Ut prae-textata impleri subsellia turba,
 Personūque meum rauco clamore theatrum,
 Sportula nulla datur, non stipēs, non plumbeus assis,
 Quem referam ad natos, vacuūque in tecta reuertor,
 Ex Epicureo redeam quasi lapsus inani.
 Hinc squallor sordēque, hinc trita tegmina lanae,
 Pertusa hinc tunica, sumque hinc pannuceus Irus:
 Aeternaque fames macie me perdita vexat,
 Perdius & pernox quod nunquam parco labori:
 E nostris namque & si quis diludia sumit,
 Se cruciatque minus, si quis minus irrogat, atque
 Fors sibi supplicij, tantò est fœlicior idem:
 Obuius atque bonæ fortuna saepe fit, illos
 Quæ nescit qui nostra ferunt ad pulpita calles.
 Firma Palatino quos carcere claustra coercēt,
 Infodiuntque solo sub cæco fornice cryptæ,
 Fraudibus has meritos & diro crimine sedes,
 Attamen annonas regis scio ferre diurnas:
 Ast ego, Sisyphio quem damnat vita labore,
 Nomine qui regis creber suggesta fatigo,
 Non mereor panis buccellam ferre canini,
 Ac titulo, similis statuis, inscribor inani,
 Regius & dicor regali dirutus ære.
 Tu nostris medicare malis, & suscipe causam
 Maxime Pontificum nostram, Musasque clientas
 Quæso tuo patrociniū dignere lenare.
 Consule & ista boni quæso tam libera verba,
 Quæ dolor expressit, durisq; in rebus egestas.

Comme-

*Commodus, humanus, clemens & lenis & æquus,
 Ante omnes, placidam facilèmq; quærentibus aurẽ
 Et præbens, oculis hac ne spectaris iniquis:
 Et durum reputa quàm sit mortalibus agris
 Pauperies telum vitæ certissima pestis,
 Iacta è præcipiti saxo fugienda, profundum
 In pontumque dato, censente Theognide, saltu.*



CL. V. MICH. HOSPITALI
 Regis Galliaë Cancellario



*SPICIFERÆ Cereri fruges, vi-
 numque Lyæo
 Vndas Neptuno, Pomona ruris ho-
 nores
 Arboreos foetus, Siluano umbracula
 siluæ,
 Aucupiumque dabit Fauno, Diuisque benignus
 Esse volet rerum, quarum illis copia magna est,
 Qui tibi consilium Conso dabit: illud in isto
 Pectore quo Regni res nostri euoluis, abundat:
 Id tua nec tenui vena præcordia fundunt,
 Flumine sed largo, riuos ut quisque viritim
 Deriuare sibi possit, neque mentis egere.
 Hinc apices summos es adeptus honore togato,
 Concilian-*

Conciliante tibi Phœbo Phœbique caterua,
 Queis in delicijs & amoribus vsque fuisti,
 Regis amicitiam magni, summumque fauorem
 Iure Megistanum, cum te sic arte polissent,
 Muneribusque suis voluissent esse beatum,
 Consilio ut magnus, maior quoque dotibus esses
 Pieridum, & versus faceres quos Musa sonaret,
 Quos Phœbus caneret, quos amula redderet Echo,
 Aspernata sequi reliquorum carmina vatum.
 Et tamen euectus suprema ad iura curulis,
 Stas infra meritum, quod honoribus altior extas:
 Et tua se virtus fasces longè erigit ultra:
 Purpura nec decorat te, sed radiante refulget
 Virtutis splendore tue, fruiturque corusco
 Persona, & quod te vestit decus accipit inde:
 Ornamentum alijs & cultus, sed tibi pannus:
 Tūque ornatus ei, segmentum, simbria, limbus
 Aureus, & patagi tu serica trama nitentis,
 Et circumtextus croceo meander acantho.

Qui te igitur doceat, pro certo insanus haberi
 Debeat, ex alto quia nil pote quamlibet ulli
 Exquiri magna cura, quin mentis id uno
 Protinus adiectu videas promasque latebris.
 Sed tamen ut nitida Iouis armiger ales in æthra,
 Cuius ab æeris se nubibus omnia latè
 Subijciunt oculis longèque, intentus olorem
 Dum petit, insidias anibus vel tendit opimis,
 Non culicem blattamque videt vermèmque pusillū:
 Sic tua maiori rerum mens pondere pressa

Ac di-

*Ac districta, nequit spectare negotia parua.
Qua quia nos humiles exercent, saepeque ladunt
Cernimus, atque fidē Diuūmq; hominūmq; rogamus.*

*Nec querimur ius non dici legēque silere:
Ius nimium dici querimur, passimque sonare
Edicta, & passim vadimonia, cuncta tribunal
Atria possedisse: suis à quercubus actas
Precipites Dryadas, Faunos, Satyrōsque bicornes:
Iudicis ulmicolae cespēs quas obsidet umbras:
Vt meritō Druydes & dici & possit haberi.
Omnia nam resonant istis arbuta cicadis:
Iamque ferit lites, qui fruges antē solebat,
Iuridicūque sedet curui moderator aratri:
Qui solitus tardos stimulo terrere iuuenços,
Territat edictis tunicati corda popelli.
Quod facit & sartor, facit & quem subula pascit:
Et veteramenti iam reddit iura relictis.*

*Est operapretium cognoscere cœtus eorum
Qui sit, pagus queis arroditur omnis ad ossa.
Ordinis ergo decus princēpsque pedaneus ille
Planipes est iudex, aut peronatus arator,
Imperiosus homo lacera tritaque lacerna:
Hos Cincinnatos ab aratro & vomere villa,
Hos & Serranos ad sceptrā forensia mittunt:
Iudicio utque scias nil deesse, vicarius illi
Additur, assessor presentis: sin siet absens,
Accipiat solū quem celsū gypsea sedes.
Proximus at forex fiscalis cognitor his est,
Litigiosus homo controuersusque rapaxque:*

Suggerit

Suggestit iste molis fluminum, in viuaria pisces
 Et mittit, turdisque dolos & retia tendit:
 Et concinnator causarum est atque redemptor.
 Officium reliquum est, tinearum cetera turba,
 Accensus, præco, sceleratus scribe, viator.
 Concilium istud habet pagorum regulus omnis:
 Deditur hisque cliens harpyis atque colonus,
 Glebaque adscriptus noxa pœnaque perenni:
 Sæpe negant regnare, suis nisi iurgia sæpe
 Indicantque fori, & creber conuentus agatur:
 Paganosque sibi mulctent, canibusque propinent.

Sessio cum venit, si forte niualibus auris
 Horruerit Boreas, populus crepitante molaris
 Expectat foris in gelida canaque pruina:
 Interea patres agitant conuiuia leti
 Ante focum, decreta parant ad pocula, mulctas
 Nondum etiam auditis describunt partibus ullis.
 Sic dominis damnare reos suuere sibi que.

His præiudicijs factis consurgitur: itur
 A bene curatis: ut ad auditoria ventum est,
 Cuius est lis sua iura docet, promittitque tabellas:
 Sed frustra, prædamnata iam lite meracum
 Ad cyathum: arbitrium index eructat iniquum
 Ebrius atque satur: tum si fors ille queratur
 Qui damnatus erit, si quid dolor exprimat amens,
 Carcere punitur. demissis auribus ergo
 Mæstus abit quicumque sapit: nam libera lingua
 Est rabulis lucro, dominis male prouida damno.
 Quinetiam eliciunt iras, tristisque dolentum

E

Irritan,

*Irritant ultro voces, & probra laceſſunt:
Erumpat ſi quid, pœna ut mulctæve pietur.*

*Muſſet, ais, prudens, & prouocet, actaque tollat.
At bone qui ſcriptum faciunt, & in acta referre
Iſta ſolent, habitant munitas turribus arces,
Aggeribus foſſiſque natantibus undique cinctas
Nobilium comites, quibus appellatio ſic eſt
Inuiſa, actorumque petitio, ſi quis. ut iſtud
Poſtulet, appellëtque, aut vapulet, aut natet alto
In vaſtam præceps deiectus ponte lacunam,
Carceris aut tetras cogatur ferre tenebras,
Deinde larem mutare, ſuoque excedere agello:
Inſeſtuan pagi quia regem ſemper haberet.
Ergo paciſcendum, atque iniuria diſſimulanda:
Et pro ſupremo ſunt conciliabula pagi
Agnoscenda foro miſeris, ſummoque ſenatu:
Gratia quod nec plus dependant eris, habenda.*

*Urbanum vidi locupletem ob prædia ruri
Primori mulctæ damnatum prorſus iniqua,
Aurea viginti numerare numiſmata promptum
Sub ſelli ſummi patrono ut ſcanderet arcem,
Atque vadaretur procerem, ſanctumque ſenatum
Pro ſe appellaret: tanti tamen ille negauit
Eſſe ſibi quaſtum, ut chirurgum quaerere vellet,
Aut tumultum, ſapiens, qui vitam prætulit auro.*

*Aſt obeat ſi quis non ducta uxore, nec ullis,
Si duxit, natis, harpyæ protinus illæ
Vulturique auidi milxinis ungibus omnes,
Creditor id nullus poſcat licet atque coheres,*

Adue-

*Aduolitant: bona & obſignant, & plurima inuncant.
Prepoſitus præſto eſt, præſtoque vicarius eius,
Et procurator ſiſci, ſcriba, atque viator:
Tot pariter peſtes populatoresque popelli
Ad prædam accurrunt una: inuentaria ſcribunt
Omnibus inuitis heredibus: optima ſurtim
Auertunt, comeduntq; palam quam plurima: ſi quid
Reſtat, & illa cohors id mancipat, atque ſequeſtro
Tradit, & heredi non ante emancipat id, quam
Omnibus eſt aurata manus predonibus: ut ſe
Emptorem, aſt illos heredes dicere poſſit.*

*Commemoro quid plura? dies me ſolſtitialis
Deſiceret, quantum ſclerata calumnia, iuris
Graſſetur ſpecie ſi dicam, aut ſcribere coner,
Quæ vicannus agit caligatus cannabe iudex.
Nec tamen eſt horum mihi pars milleſima nota:
Quando nec clamoſa ſequor fora trico moleſtus,
Nec ſellas obeo patule ſub tegmine fagi.*

*Iſta lues tabeſque virum per rura forenſis
Perque vrbes ſerpens, rabioſa canicula quantum,
Vitatur, quantum febris quartana, caducus
Et morbus, quantum peſtis quæ ſauit in omnes:
Eierat & quicumque poteſt, atque æqui requirit
Iura palatina quæ ſupplex impetrat aula,
Concedi veniam priua qui lege meretur.
Hoc genus antidoti eſt aduerſum hæc dira venena.*

*In libertatem quare precor aſſere plebem
Vindiſta atque manu, miſerè quam cernis ubique
Afflictam, nexam, addictam, ſeruamque teneri,*

*Iudicis imperio seuâque tyrannide pressam,
 Omnibus atque modis capitis scis esse minuti
 His conuenticulis, fas contra humanâque iura.
 Retia nam vitare nequit fraudemque sequacem,
 Insidiatricem ad vestigia singula semper.*

*De vectigali quod ager penditque luitque,
 De censu, procerum quod ius est, notio sola
 Iudicis accipitris sit oportet ruris alumni:
 Atque etiam multa hoc indictio nomine tantum,
 Pignoris & capioque, manûsque iniectio in aruum:
 Vindicis reliquum nullis nulloque paratum
 Iure tenent: id eis dedit usurpatio tantum:
 Regibus elusis circumscriptisque per unum
 Quippe propagata est his iurisdictio censum.*

*Nobilis an quia possideo per ruscula glebam,
 Addictum caput inde meum est & protinus illi?
 Emptis atque tribus sulcis ego vaneo totus,
 Mancipium & fio, dedorque excarnificandus
 Pestibus & diris arualibus? ut mala culmos
 Non tantum rubigo petat, sed corpora nostra
 Appetat, & steriles nobis dominantur auena:
 Nos rodant mures, adedant nos gurguliones?
 Quem penes imperium regni solique potestas,
 Hunc penes & ditio est & iurisdictio solum.
 Arrogat hanc si quis, de maiestate verenda
 Principis imminuit, sibi iurâque regia sancit.*

*Huius origo mali media succreuit ab aula.
 Purpureus siquidem segmentatûsque potentis
 Patricius regis comes & percharus amicus,*

Prædia

*Prædia communi dum latique fundia non vult,
Esse tribunali sua quicquam obnoxia, rura,
Urbes, & vicos, atque oppida: iura migravit
Publica, & obtinuit fora litigiosa, suis quò
Imperitaret uti dominus, regnaret & ut Rex.*

*Inde tot enati Comitatus atque Ducatus
Vegrandes & degeneres, nimiumque pusilli,
Ambitio titulos sibi dum venatur honoris,
Imperiumque merum petit, & dum iuris habenas.
Urbibus hinc & agris tot cœtus iudiciales,
Tot præfectura, necnon subsellia iuris.*

*Nam simul ut fractis patuere repagula claustris,
Ilicet, ut pravi docilis natura, decusque
Ambitiosa suum titulis fastisque petessit,
Proditæ sectati sunt multi exempla tributim:
Resque adeò redyt, ut qui vix octo quadrantes
Exiget è censu decima de parte miselli
Pagi, quique clientelaria iugera vix ter
Dena suo potrocinio submissa tenebit,
Iura magistratûsque habeat, causâsque forûmque:
Nec modo de censu dici ius imperat idem,
Sed de chirographis, pactis, nummisque penûque,
Denique de capite & fortunis omnibus urget:
Et minimo in nido regum rex esse videtur.*

*Quid quòd magnorum sibi sumunt præmia regum,
Cum sibi confiscant, innadantque omne caducum?
An si istud regi ius, & tibi protinus esse
Debet ab exemplo? nec regi excepta potestas
Vlla, nec eximium ius iam servabitur ullum,*

*Insidiatorem captatorémque loquentur,
 Atque eleemosynas auertere pauperis, atque
 Amplas sectari pradas, contemnere paruas.
 Mallem equidem tibi grata foret mercedula parua
 Quàm congesta simul Claromontana talenta,
 Iudicio quæ ferre rapax conaris iniquo,
 Debita pauperibus non nexæ ad guttura vesti.
 Sed pietas iam nota tua est, animusque benignus.
 Magna petis, qui parua fugis: pietatis auara
 Huius amore tuum pectus feruescit & ardet.
 Nemo velit quisquam causa stipis esse latronum
 In numero: maiora cupit, spoliare paratus,
 Et ingulare homines: queis sit dare premia promptus,
 Ut trahat in fraudem, spoliisque exinde fruatur.
 Exiguum sic tu pretium contemnere suetus
 Illicis ut ingules, fortunisque omnibus orbes:
 Euertasque bonis, exheredesque propinquos,
 Et testatoris censu potiaris opimo,
 Cui curatorem prætor dare debuit olim.
 Eia age nobiscum sic, quæso, paciscere: triplex
 Accipias pretium, legataque cuncta relinquas,
 Abstineasque manus alieno & munera temnas.
 Verùm hoc harpyiam certò scio nolle pacisci.
 Gratuitum iactare igitur nolito laborem,
 Quando in fortunas prædo grassaris opimas.
 Quid quòd cum soleas quartus quintusue docere,
 Fucorum ignauas pecudes præsepe saginat
 Mille, quibus nec discendi, nec cura docendi?
 At nemo nostrum scire tolerare potis sit*

Mercede,

*Mercede, ignavos nedum nutrire queamus.
Præterea quare affectas in ea urbe professor
Esse, professores alijs quæ mittere sœuit?
Discipulos quæ vix tot habet, quot docti magistros?
Ostendunt festis ut compita picta Kalendis.
Vnum assem quoniam discantibus ipse remittis,
Idcirco ne urbeis rodent pecuaria mandra
Ignava, Phariaque examina scaua locusta?
Quæsticulum instum qui negligit, imputat idque
Cuius & regno, & prorsus se pernegat esse
Cuiquam oneri, nec habet fundas censibus ullis,
Quæ se se tueatur, opes, censore Catone
Exuvijs hominum & prada pascatur oportet.
Mercedem cur quæ debetur negligis, illam
Quæ non debetur tamen exigis? ede quid illi
Sint abs te docti, quorum bona prado tulisti:
Quorum legatis nunc fortunatus abundas.
Hoc tibi propositum est, hæc mens, cumulare bonorum
Congeriem, villas & prædia querere multa,
Atque potestatem vitæque, necisque parare
In stupidum vulgus: quod tu cum feceris, hortos
Mox Epicureos segnisque, satûrque petesses.
Grammaticosque omnes, doctores, atque magistros
Discipulorum inter cathedras plorare iubebis.*

IN EVNDEM.

*Acceptum gratis, gratis donare necesse est.
Lex, ais, hæc nostri certa sôdality est.*

Si verum

Cogimur ore lupos, vel tectis usque latere.
 Quinetiam si quando domo prorepimus, urbis
 In solitis diuerticulis solisque solemus
 Ire, vias celebres & compita nota perosi,
 Quâ soles expectare rapax hos miluus inuncans
 Qui debent, & proficimus tamen inde pusillum.
 Namque & in insidias, conuitiaque inde venimus.
 Creditor & qua non platea censemur oberrans,
 Oprimit incautos, aliqua exploratue taberna.
 Deprensi mentimur, & ut nos cumque valemus,
 Extricamus ab his. ventura recensio ceuque
 Credita militibus differt, castrensia quando
 Æra repensuros alieno protinus eri
 Se dicunt, vanaque fouent spe credula corda:
 Esse soluturos sic nos cum pensio nostra
 Venerit, equatis à te descripta calendis,
 Dicimus: ast una venerunt: creditor urget
 Appellatque fidem, nomenque expungere nullum
 Possumus. ô lenta nimium tarda que calende,
 Quas vestri numerant, fasti, cum soluitis ipsi!
 Quàm vereor ne sesquenno sit longior harum
 Segnities, ne Mopsopy sint, fortè Metonis
 Seros que ducunt spatiosis tractibus annos.
 Quàm vereor ne fortè tui diuine poëta
 Carminis incipiant magni procedere menses:
 Annorum duodena capit si millia labens
 Magnus ad extremam cum metam voluitur annus,
 Vertentes qui mille trahunt: græcæne calendas
 Suspicet à vobis? non hoc tua Carole, credi

Nobili-

*Nobilitas, verâxque animus permittit, amânque
Mufarum, fufcepta tibi perfona reclamationat,
Promeriti que negant hoc culmine laudis honores.
Menfibus haud nobis longis opus: exigit ifta
Paupertas folui fibi quâque diaria luce:
Vt iubet Hebraus, fi mercenarius eft quis,
Vefpere mox homini mercedem foluere Mofes.
At verò nobis poft fera triennia demum,
Tadia poft fexcenta morâsque, afpergitur agrè
Guttula mercedis, prece continuo que labore
Emendicata, ut nollit fic ferre rogator.
Plurimus eft voto fantè que palamque profeffo
Orbi mendicum qui fpondet, egere nequit que:
Qui puto mendicum nobis tranfinittit habendum.
Quem quærit, quem iurat enim, quem geftit apifci,
Nec valet, hunc remis veli que euadere nobis
Non licet, hunc nullo licet excantare fu furro.
Sic moratus is eft, fugientibus acris adheret,
Sectantè que fugit, nobis comes, auis illis.
Iurata multi funt paupertate beati,
Exuperânt que opibus, cunètis & rebus abundant:
Quòd vouère illi, præftare heu cogimur, atque
Laomedontea luimus periuria Troia.
Quæ noua furrepit fecta, & mentitur Iefum,
Dulce latrocinis pratendens nomen opertis,
Tartareis emiffa vadis, fpoliaria plebis
Inftituit, fperât que fuos ditare latrones:
Iâmque gregem pascit fimalatio dira rapacem,
Semper inuncantem viduarum è viscere prædas.*
Fallen-

*Fallentem pueros & inertia pectora vulgi,
Verne cum in patria crassoque sub aëre nati.
O larva & lemures, vespertilionis habetis
Caligantis opes, & caca pignora talpa.
At nos, fallaces qui nec præstare sophistas
Possumus aut volumus, populum nec depopulari
Suevimus aut fraudare: solo nec vendere cælum:
Qui rectum virtutis iter sine fraude docemus,
Præmia quæ ferimus? vix ut toleremur in urbe,
Quam spoliât prado togulam cui fibula nequit.
Fœlices hos esse reor fatigue benigni
Linigeri de classe chori, quos nutrit opima
Militia, officio quos cernere sæpe solemus
In vespertino, dum pulmo largus anhelat
Cantorum, arguta rumpuntque arbuta cicada,
Vocalique citat clangore vicarius hymnos:
Indormire sacris, à diuisoréque nummis
In palmam missis, somno expergiscier alto.
Stertentes quos lucra beant, somnoque sepultos,
Inque sinum Danaës quæis aureus impluit imber,
Quæis secunda quies & corda oblita laborum,
Quæis semper grauis ære manus redit adæ sacra.
At mihi, peruigiles quem pernoctatio fecit
Exanguem ad lychnos, omnem exuxitque medullæ:
Aut, si quando vacat somno indulgere parumper,
Qui matutini surgo ad præconia galli,
Euigiloque fabris stertentibus atque quietis:
Inde iuuentutis studiosa fingere mores
Aggredior, mentem ingenuis atque artibus orno,
Præbenda*

*Præbenda doctus quod fecit Gersô relicta:
Vt prætextata impleui subsellia turba,
Personuque meum rauco clamore theatrum,
Sportula nulla datur, non stips, non plumbeus assis,
Quem referam ad natos, vacuûsque in tecta reuertor,
Ex Epicureo redeam quasi lapsus inani.
Hinc squallor sordêsq; hinc trita tegmina lana,
Pertusa hinc tunica, sumq; hinc pannuceus Iru:
Æternâque fames macie me perdita vexat,
Perdius & pernox quod nunquam parco labori:
E nostris namque & si quis diludia sumit,
Se cruciatq; minùs, si quis minùs irrogat, atque
Fors sibi supplicij, tantò est foelicior idem:
Obuius atque bonæ fortunæ sæpe fit, illos
Quæ nescit qui nostra ferunt ad pulpita calles.
Firma Palatino quos carcere claustra coërcent,
Infodiuntque solo sub cæco fornice cryptæ,
Fraudibus has meritos & diro crimine sedes,
Attamen annonas regis scio ferre diurnas:
Ast ego, Sisyphio quem damnat vita labore,
Nomine qui regis creber suggesta fatigo,
Non mereor panis buccellam ferre canini,
Ac titulo, similis statuis, inscribor inani,
Regius & dicor regali dirutus ære.
Tu nostris medicare malis, & suscipe causam
Maxime Pontificum nostram, Musâsque clientas
Quæso tuo patrociniò dignere lenare.
Consule & ista boni quæso tam libera verba,
Quæ dolor expressit, durisq; in rebus egestas.*

Commo-

*Commodus, humanus, clemens & lenis & æquus,
 Ante omnes, placidam facilèmq; quærentibus aurẽ
 Et præbens, oculis hac ne spectaris iniquis:
 Et durum reputa quàm sit mortalibus ægris
 Pauperies telum vitæ certissima pectus,
 Iacta è præcipiti saxo fugienda, profundum
 In pontumque dato, censente Theognide, saltu.*



CL. V. MICH. HOSPITALI
 Regis Galliae Cancellario



*PICI FERÆ Cereri fruges, vi-
 numque Lyæo
 Vndas Neptuno, Pomona ruris ho-
 nores
 Arborcos foetus, Siluano umbracula
 siluæ,
 Aucupiumque dabit Fauno, Diuisque benignus
 Esse volet rerum, quarum illis copia magna est,
 Qui tibi consilium Conso dabit: illud in isto
 Pectore quo Regni res nostri euoluis, abundat:
 Id tua nec tenui vena præcordia fundunt,
 Flumine sed largo, riuos ut quisque viritim
 Deriuare sibi possit, neque mentis egere.
 Hinc apices summos es adeptus honore togato,
 Concilian-*

Conciliante tibi Phœbo Phœbique caterua,
 Queis in delicijs & amoribus usque fuisti,
 Regis amicitiam magni, summumque favorem
 Iure Megistanum, cum te sic arte polissent,
 Muneribusque suis voluissent esse beatum,
 Consilio ut magnus, maior quoque dotibus esses
 Pieridum, & versus faceres quos Musa sonaret,
 Quos Phœbus caneret, quos amula redderet Echo,
 Aspernata sequi reliquorum carmina vatum.
 Et tamen euectus suprema ad iura curulis,
 Stas infra meritum, quod honoribus altior extas:
 Et tua se virtus fasces longè erigit ultra:
 Purpura nec decorat te, sed radiante resulget
 Virtutis splendore tue, fruiturque corusco
 Persona, & quod te vestit decus accipit inde:
 Ornamentum alijs & cultus, sed tibi pannus:
 Túque ornatus ei, segmentum, fimbria, limbus
 Aureus, & patagi tu serica trama nitentis,
 Et circumtextus croceo maander acantho.

Qui te igitur doceat, pro certo insanus haberi
 Debeat, ex alto quia nil pote quamlibet ulli
 Exquiri magna cura, quin mentis id uno
 Protinus adiectu videas promasque latebris.
 Sed tamen ut nitida Iouis armiger ales in athra,
 Cuius ab aërys se nubibus omnia latè
 Subijciunt oculis longèque, intentus olorem
 Dum petit, insidias anibus vel tendit opimis,
 Non culicem blattamque videt vermèmq; pusillū:
 Sic tua maiori rerum mens pondere pressa

Ac di-

*Ac districta, nequit spectare negotia parua.
Quæ quia nos humiles exercent, sæpeque ladunt
Cernimus, atque fidẽ Diuinũq; hominũq; rogamus.*

*Nec querimur ius non dici legẽsque silere:
Ius nimium dici querimur, passimque sonare
Edicta, & passim vadimonia, cuncta tribunal
Atria possidisse: suis à quercubus actas
Precipites Dryadas, Faunos, Satyrõsque bicornes:
Iudicis ulmicolæ cespẽs quas obsidet umbras:
Vt meritò Druydes & dici & possit haberi.
Omnia nam resonant istis arbuta cicadis:
Iamque serit lites, qui fruges antè solebat,
Iuridicũsque sedet curui moderator aratri:
Qui solutus tardos stimulo terrere iuuenços,
Territat edictis tunicati corda popelli.
Quod facit & sartor, facit & quem subula pascit:
Et veteramenti iam reddit iura relictis.*

*Est operæpretium cognoscere cœtus eorum
Qui sit, pagus queis arroditur omnis ad ossa.
Ordinis ergo decus princẽpsque pedaneus ille
Planipes est iudex, aut peronatus arator,
Imperiosus homo lacera tritãque lacerna:
Hos Cincinnatos ab aratro & vomere villa,
Hos & Serranos ad sceptræ forensia mittunt:
Iudicio utque scias nil deesse, vicarius illi
Additur, assessor præsentis: sin siet absens,
Accipiat soly quem celsum gypsea sedes.
Proximus at forex fiscalis cognitor his est,
Litigiosus homo controuersusque rapaxque:*

Suggerit

*Suggerit iste molis fluvium, in vinaria pisces
Et mittit, turdisque dolos & retia tendit:*

Et concinnator causarum est atque redemptor.

Officium reliquum est, tinearum cetera turba,

Accensus, præco, sceleratus scribe, viator.

Concilium istud habet pagorum regulus omnis:

Deditur hisque cliens harpyis atque colonus,

Glebaque adscriptus noxa poenaeque perenni:

Sæpe negant regnare, suis nisi iurgia sæpe

Indicantque fori, & creber conventus agatur:

Paganosque sibi mulctent, canibusque propinent.

Sessio cum venit, si forte niualibus auris

Horruerit Boreas, populus crepitante molaris

Expectat foris in gelida canaque pruina:

Interea patres agitant convivia leti

Ante focum, decreta parant ad pocula, mulctas

Nondum etiam auditis describunt partibus ullis.

Sic dominis damnare reos suocere sibi que.

His præiudicijs factis consurgitur: itur

A bene curatis: ut ad auditoria ventum est,

Cuia est lis sua iura docet, promittitque tabellas:

Sed frustra, pradam nata iam lite meracum

Ad cyathum: arbitrium index eructat iniquum

Ebrius atque satur: tum si fors ille queratur

Qui damnatus erit, si quid dolor exprimat amens,

Carcere punitur. demissis auribus ergo

Mæstus abit quicumque sapit: nam libera lingua

Est rabulis lucro, dominis male provida damno.

Quinetiam eliciunt iras, tristisque dolentum

E

Irritan;

*Irritant ultro voces, & probra laceſſunt:
Erumpat ſi quid, pœna ut mulctâve pietur.*

*Muſſet, ais, prudens, & prouocet, actaque tollat.
At bone qui ſcriptum faciunt, & in acta referre
Iſta ſolent, habitant munitas turribus arces,
Aggeribus ſoſiſque natantibus undique cinctus
Nobilium comites, quibus appellatio ſic eſt
Inuiſa, actorumque petitio, ſi quis. ut iſtud
Poſtulet, appellétque, aut vapulet, aut natet alto
In vaſtam præceps deiectus ponte lacunam,
Carceris aut tetras cogatur ferre tenebras,
Deinde larem mutare, ſuôque excedere agello:
Inſectum pagi quia regem ſemper haberet.
Ergo paciſcendum, atque iniuria diſſimulanda:
Et pro ſupremo ſunt conciliabula pagi
Agnoscenda foro miſeris, ſummôque ſenatu:
Gratia quòd nec plus dependant aris, habenda.
Urbanum vidi locupletem ob prædia ruri
Primori mulcta damnatum prorſus iniqua,
Aurea viginti numerare numiſmata promptum
Sub ſelli ſummi patrono ut ſcanderet arcem,
Atque vadaretur procerem, ſanctumque ſenatum
Pro ſe appellaret: tanti tamen ille negauit
Eſſe ſibi queſtum, ut chirurgum quærere vellet,
Aut tumultum, ſapiens, qui vitam prætulit auro.
Aſt obeat ſi quis non ducta uxore, nec ullis,
Si duxit, natis, harpyæ protinus ille
Vulturique auidi miluinis unguibus omnes,
Creditor id nullus poſcat licet atque coheres,*

Aduo-

*Aduolitant: bona & obſignant, & plurima innuncant.
 Præpoſitus præſto eſt, præſtoque vicarius eius,
 Et procurator ſiſci, ſcriba, atque viator:
 Tot pariter peſtes populatoresque popelli
 Ad prædam accurrunt una: inuentaria ſcribunt
 Omnibus inuitis heredibus: optima furtim
 Auertunt, comeduntq; palam quam plurima: ſi quid
 Reſtat, & illa cohors id mancipat, atque ſeq: eſtro
 Tradit, & heredi non antè emancipat, id, quam
 Omnibus eſt aurata manus prædonibus: ut ſe
 Emptorem, aſt illos heredes dicere poſſit.*

*Commemoro quid plura? dies me ſolſtitialis
 Deficeret, quantum ſclerata calumnia, iuris
 Graſſetur ſpecie ſi dicam, aut ſcribere coner,
 Quæ vicannus agit caligatus cannabe iudex.
 Nec tamen eſt horum mihi pars milleſima nota:
 Quando nec clamoſa ſequor ſora trico moleſtus,
 Nec ſellas obo patula ſub tegmine fagi.*

*Iſta lues tabeſque virum per rura fœrenſis
 Përque vrbes ſerpens, rabioſa canicula quantum,
 Vitatur, quantum febris quartana, caducus
 Et morbus, quantum peſtis quæ ſauit in omnes:
 Eierat, & quicumque poteſt, atque aqua requirit
 Iura palatina quæ ſupplex impetrat aula,
 Concedi veniam priua qui lege meretur.
 Hoc genus antidoti eſt aduerſum hæc dira venena.*

*In libertatem quare precor aſſere plebem
 Vindiſta atque manu, miſerè quam cernis ubique
 Afflictam, nexam, addictam, ſeruamque teneri,*

*Indicis imperio seuâque tyrannide pressam,
 Omnibus atque modis capitis scis esse minuti
 His conuenticulis, fas contra humanâque iura.
 Retia nam vitare nequit fraudemque sequacem,
 Insidiatricem ad vestigia singula semper.*

*De vectigali quod ager penditque luitque,
 De censu, procerum quod ius est, notio sola
 Indicis accipitris sit oportet ruris alumni:
 Atque etiam multa hoc indictio nomine tantum,
 Pignoris & capioque, manûsque iniectio in aruum:
 Vindicis reliquum nullis nulloque paratum
 Iure tenent: id eis dedit usurpatio tantum:
 Regibus elusis circumscriptisque: per unum
 Quippe propagata est his iurisdictio censum.*

*Nobilis an quia possideo per ruscula glebam,
 Addictum caput inde meum est & protinus illi?
 Emptis atque tribus sulcis ego vaneo totus,
 Mancipium & fio, dedorque excarnificandus
 Pestibus & diris arualibus? ut mala culmos
 Non tantum rubigo petat, sed corpora nostra
 Appetat, & steriles nobis dominantur auene:
 Nos rodant mures, adedant nos gurguliones?
 Quem penes imperium regni solique potestas,
 Hunc penes & ditio est & iurisdictio solum.
 Arrogat hanc si quis, de maiestate verenda
 Principis imminuit, sibi iurâque regia sancit.*

*Huius origo mali media succreuit ab aula.
 Purpureus siquidem segmentatûsque potentis
 Patricius regis comes & percharus amicus,*

Prædia

*Prædia communi dum latique fundia non vult
Esse tribunali sua quicquam obnoxia, rura,
Urbes, & vicos, atque oppida: iura migravit
Publica, & obtinuit fora litigiosa, suis quò
Imperitaret uti dominus, regnaret & ut Rex.*

*Inde tot enati Comitatus atque Ducatus
Vegrandes & degeneres, nimiumque pusilli,
Ambitio titulos sibi dum venatur honoris,
Imperiumque merum petit, & dum iuris habenas.
Urbibus hinc & agris tot cœtus iudiciales,
Tot præfectura, nec non subsellia iuris:*

*Nam simul ut fractis patuere repagula claustris,
Ilicet, ut pravi docilis natura, decusque
Ambitiosa suum titulis fastisque petessit,
Prodita sectati sunt, multi exempla tributim:
Resque adeò redyt, ut qui vix octo quadrantes
Exiget è censu decima de parte miselli
Pagi, quique clientelaria iugera vix ter
Dena suo potrocinio submissa tenebit,
Iura magistratúsque habeat, causasque forúmque:
Nec modo de censu dici ius imperat idem,
Sed de chirographis, pactis, nummisque penúque,
Denique de capite & fortunis omnibus urget:
Et minimo in nido regum rex esse videtur.*

*Quid quòd magnorum sibi sumunt præmia regum,
Cum sibi confiscant, inuadantque omne caducum?
An si istud regi ius, & tibi protinus esse
Debet ab exemplo? nec regi excepta potestas
Vlla, nec eximium ius iam seruabitur ullum,*

*Vt priuū propriūque habeat nil, quin tibi sumas?
Æmulus ac æquare voles fastigia summa?
At nobis vix hæc toleranda in rege videntur.
Quid quod & hi noua iura inbent, & publica tēnunt?
Quid quod de nihilo mulctant fas iuræque contra
Paruæ curiolar, rurales atque cathedra?
Quid quod legitimis ut agant fora paruula formis
Omnia, ne possit maturè ad iura venire
Quis tamen efficiunt sua, cum sufflamine tanto,
Tam longæque mora, summi tardata potestas.
Iudicij veniat, quæ litem distrahat omnem?
Tot præfectura, subsellia tótque terenda
Cum sint? scriptura tot magna volumina habenda?
Tot fasces capsæque, quibus sit mulus onustus?
Tótque incerniculis lis sic succreta, bilustri
Tempore vix sancti veniat sub iura senatus
Ius ubi tam lentè violatis subuenit, illic
Scilicet opprimitur ius, atque iniuria regnat.
Emolumenta etenim sunt præsto, at pœna remota.
Castellana igitur sat erit, sat curia summa,
Hæc duo sufficient pratoria regia nobis.
Iudicium reliquum cunctis damnòque malòque est.
Ergo iustitiam si vis reuocare fugatam,
Aurea Saturni per agros si reddere sæcla,
Vrbes si florere cupis, cupis esse beatas:
Iustitium reliquis eternum indicito sellis.*

A D



AD SOTERICVM GRATIS
docentem.



E gratis narras, Soterice, velle docere.

Vt gratis agat, ergo tuo suadet opatono,

Qui vocem multo venalem venditat auro.

*Procurator item facito tuus improbet aurum,
Summittatque genu nulla mercede redemptus.
Quinetiam sanctum, te quæso, doceto senatum,
Ne petat à nostro statui sibi commoda rege,
Sportellâsque dari, sed procurator opellam
Si vendit, si causidicus sua verba locare
Consuevit, si legitima mercede senator
Donatur, decus ut queat ordinis inde tueri;
Stoica quæ dicis credent paradoxa forenses.
Lucra aspernanti nemo tibi credet eorum.
Illa fori quæcunque vides subsellia, quæstus
Implet, & augustum magna emolumenta tribunal.
Quæ si quis tollat, fuerit mox curia sola.
Te simulatorem, comædumque esse putabunt,
Nec stipe contentum censebunt esse minuta.
Sed testamentis inhiare, lucrisque beatis:*

E 4.

Insidia-

*Insidiatorem captatorémque loquentur,
 Atque eleemosynas auertere pauperis, atque
 Amplas sectari pradas, contemnere paruas.
 Mallem equidem tibi grata foret mercedula parua
 Quàm congesta simul Claromontana talenta,
 Iudicio quæ ferre rapax conaris iniquo,
 Debita pauperibus non nexæ ad guttura vesti.
 Sed pietas iam nota tua est, animûsque benignus.
 Magna petis, qui parua fugis: pietatis auara
 Huius amore tuum pectus feruescit & ardet.
 Nemo velit quisquam causâ stipis esse latronum
 In numero: maiora cupit, spoliare paratus,
 Et ingulare homines: queis sit dare premia promptus,
 Vt trahat in fraudem, spoliisque exinde fruatur.
 Exiguum sic tu pretium contemnere suetus
 Illicis ut ingules, fortunisque omnibus orbes:
 Euertâsque bonis, exheredâsque propinquos,
 Et testatoris censu potiâris opimo,
 Cui curatorem prætor dare debuit olim.
 Eia age nobiscum sic, quæso, paciscere: triplex
 Accipias pretium, legatâque cuncta relinquas,
 Abstineâsque manus alieno & munera temnas.
 Verùm hoc harpyiam certò scio nolle pacisci.
 Gratuitum iactare igitur nolito laborem,
 Quando in fortunas prædo grassaris opimas.
 Quid quòd cùm soleas quartus quintusue docere,
 Fucorum ignauas pecudes præsepe saginat
 Mille, quibus nec discendi, nec cura docendi?
 At nemo nostrum sese tolerare potis sit*

Mercede,

*Mercede, ignavos nedum nutrire queamus.
 Præterea quare affectas in ea urbe professor
 Esse, professores alijs quæ mittere sœuit?
 Discipulos quæ vix tot habet, quot docti magistros?
 Ostendunt festis ut compita picta Kalendis.
 Vnum assem quoniam discantibus ipse remittis,
 Idcirco ne urbeis rodent pecuaria mandra
 Ignava, Phariaque examina scaeva locusta?
 Quæsticulum iustum qui negligit, imputat idque
 Civibus & regno, & prorsus se pernegat esse
 Cuiquam oneri, nec habet fundatas censibus villis,
 Quæis sese tueatur, opes, censore Catone
 Exuvijs hominum & prada pascatur oportet.
 Mercedem cur quæ debetur negligis, illam
 Quæ non debetur tamen exigis? ede quid illi
 Sint abs te docti, quorum bona prado tulisti:
 Quorum legatis nunc fortunatus abundas.
 Hoc tibi propositum est, hæc mens, cumulare bonorum
 Congeriem, villas & prædia querere multa,
 Atque potestatem vitæque, necisque parare
 In stupidum vulgus: quod tu cum feceris, hortos
 Mox Epicureos segnisque, satûrque petesses.
 Grammaticosque omneis, doctores, atque magistros
 Discipulorum inter cathedras plorare iubebis.*

IN EVNDEM.

*Acceptum gratis, gratis donare necesse est.
 Lex, ais, hæc nostri certa sôdalitij est.*

Si verum

*Si verum narras, aut da quod & accipis, autrum,
Aut quæ das alijs, nil nisi verba, cape.*

SCHOLA PARISIENSIS AD
supremam Curiam Parisiensem.

*Illæ ego quæ magnos quondam tibi læta Catones
Protuli, & excelso semina digna foro.
Nunc etiam magno prolem generosa parenti
Cur non dem, queris? fibula supposita est.
Fibula parva quidem, sed quæ si longius exit,
Obstabit facili scæna puerperio.
Iamquæ ades, ô Lucina, tuæ succurre parenti,
Nec patere hanc tecum sic sine prole mori.*

P. II II.

*Gaudebunt faciles iam certa prole mariti,
Nec genium læti fallere lusus erit.
Hoc tribuis Romane pater, dum lege severa
Iungitur ordinibus fibula casta tuis.*

A D



AD C. ET AMPLISS. VIRVM
MICH. HOSPITALEM FRAN-
ciæ Cancellarium Silua,qua libros
Aduersariorum ei dicat.



*I manibus possem spirantes fingere ce-
ras,
De Pario similes si scalpere marmore
vultus,
Si viuo possem tabulas animare colo-
re,*

*Ducere si facili vinentes are figuras:
Exprimeret te cera,color,lapis atque metallum:
Omnibus inque locis tua cines ora viderent:
Et pacatorem te Gallia tota sacraret:
Ac titulis laudum legeret monumenta tuarum.
Nostra manus sed enim est rudis atque indocta,pro-
Materiam fœdare potest,non arte polire. (barnq;
Attamen egregia est nostra & propensa voluntas,
Qua gestit quocunque potest se munere gratam
Exhibuisse tibi;malè formauitque dolatum,
Quo te nunc veneratur opus,nunquēque salutat
Quo submissa tuum,& votiuam dedicat illi
Informem velut effigiem scabrâque rademque.
Rusticus indocta simulachra exculpta figura*

Sic po-

Sic posuit diuis, truncóque simillimus *Hermes*
 Sic statuebatur: durus sic stipes in aruis
 Numinibus sacratu erat, pietásque placebat.
 Sic dabat & *Veneri* luteas virguncula puppas:
 Et *Laribus* suspensa pila est, gratéque recepta.
 Si meritis aquata tuis tua munera velles,
Pieris tentata modis *Musæ*ne pedestri:
 Te solus caneres, in cœlum & cœmine ferres:
 Qui tantis scribis carmen virtutibus æquum:
 Equiparas & facta sonis, & laudibus acta.
 Cœlitibus sed grata dijs est sola voluntas
 Obsequio testata pio cultúque probata:
 Sic studium nostra tibi commendabile *Musa*
 Officio, acceptum cupimus gratúmque videri.
Tellenas nugas & gerræ vana *Sicana*
 Nomina fac superent qua mittimus atque dicamus:
 Tu pretium ponas animo votóque dicantis,
 Non nebulis, ventisq; datis & inanibus auris,
 Quas tibi conclusas nouus *Æolus* utribus offert.
 Extenuare tibi non amplificare paramus
 Nostra, nec orandi consueta extollere lege:
 Verba damus, verbosum & opus nũc mēte mouemus,
 Qualia quæ balbi dictantur voce magistri
 Cirratis pueris, nec iam cantantur ephēbis.
 Nos obelis etiam quedam configimus, in quo
 Auctores vereor ne nos ingulasse iocetur
Rhinoceros aliquis, non confodisse veratis
 Errores, esset cum tanta licentia ferri
 Omnibus, & passim ingulare impune liceret.

Nos

Nos etenim fermè, quo tempore tristis Erinny
In ferrum ciues odijs furialibus egit,
Scripsimus hac subito nimis indigesta labore:
Confusumque chaos glomeratamque agmine turbam,
Atque iteratarum nugantem murmure vocum
Immemor interdum quas mens renocauit, ineptè
Miscuimus. Nam cum studijs grauioribus esset
Mens aliena, malis patrie communibus agra:
Auxilium nobis, animique leuatio mœsti,
Peruolitare fuit doctrina scripta polita:
Atque notare manu si quid succurreret, & mens
Suggereret: modò chirographis contendere pressa
Et falsi damnare, leui sed semper opella.
Sic chara clades patriæ & mala publica tandem
Hoc peperere malum, schedium sic vendito nostrum.
Nec tamen ærumna lector se existimet una
Defunctum, restare aliam sibi sentiet hydram,
Cui linguae tot & ora sonant, tot surrigit aures,
Bissenoque trahit sinuosa volumine terga.
Ergo facem, clauamque paret spoliūque leonis,
Vt monstrum tutus plaga flammæque sequatur.
Auctio si fiat, præconia deferet omnis
Hinc mihi, qui solus vanalem extrudere mercem,
Et possum emptores inducere solus hiantes.
Quid faciam? loquor ex animo quod sentio verum.
Nec catulum possum melitæum efferre molosum:
Magnificis nugas nec possum extollere dictis:
Præmia nec laudis censemus nostra mereri:
Nec laus his petitur, votorū hac summa meorum est:
Excusan-

*Excusanda bonis non accusanda putentur,
Et venia credi non culpa affinia possint:
Quæ sacrata tibi sic sunt, & vota Michaël,
Certa salus patria, iurisque antistes & equi,
Vt Samia diuis capides vel fictilis urna.*



D.

M.

FRANCISCI DVARENI IV-
risconsultorum huius memoriæ facile
principis hoc funebre carmen Adr.
Turnebus. mœstis. canebat.



*V' N E sacer legum vates, & iuris
Apollo,
Tun' equi consulta Themis, tun' fasq;
piumque,
Et superis demissa polis Astræ, re-*

linquis

*Tam subito mortale genus? spretæque caduca
Conditione plagæ, Duarene, micantia cœli
Præpetibus subnixus abis ad sidera pennis?
Siccine nos, Duarene, fugis doctissime legum
Interpres, cupidósque tui, iurisque bonique?
Lingua inuentuti tua quod condibat, amico
Suadele per fusa fauo, quæ rore liquenti*

Irrigui

Irrigui mellis totum manabat Hymettum,
Hauferat & liquidum ius, impurâsque lacunas
Setigeris linquebat apris, seclòque suillo
Spurca volutabra & cœnoso gurgite lamas.
Quis tibi nunc successor erit? cui munia mandas
Docte tua, atque vicem quis nobis obtinet istam?
Cui Biturix plaudet, veterem quòd vindicet urbem
A carièque sitûque veterinosâque senecta,
Et renouet, iuuenum distendens mœnia turba?
Quæ posthac viduis mœrebunt frigida tectis,
Rarus desertis errabit & aduena vicis.
Nam simul atque tuos mors frigore perculit artus,
Defluxit studiosa cohors, passimque migrantum
Cernere erat totas per singula compita turbas.
Illecebris cantus siluas Oeagrius Orpheus
Vt traxit, vocalis uti delphinus Arion,
Saxa mouere sono veluti testudinis olim
Dirceus potuit Thebana conditor urbis,
Duxit & anritum lapidem quocunque vocauit:
Sic Duarene tua facundia mellea vocis,
Fœcundus sic iure animus sôphiâque refertus
Ducere conuentus utroque ex axe solebat.
Terrarum tractus tu, vasti quamlibet essent,
Et Libya solas nullis cultoribus oras,
Ingenio Duarene tuo linguâque frequentes
Reddere vel poteras: at nunc te funere merso,
Antè frequens, orba Biturix palatur in urbe
Solus, & ut vacui metitur iugera campi.
Vinere te decuit longæue secla Sibylla:

Nestorea

*Nestorea decuit te longius ire senecta,
 Virtuti sophiæque tua si numina diuûm
 Aequa forent, hominûmque genus si iûsque bonûmq;
 Respicerent, quorum eximius solûsque merebas
 Interpres dici. Quod si fors aspera diuûm
 Conditione viris licuisset flectere fata:
 Vel prece vel pretio nobis Duarene redemptus
 Nunc esses saluus, si pro te fortè vîritim
 Contribuenda etiam vite pars magna fuisset.
 Non exorato sed stant adamante reuincta
 Fata deûm, clauoque rigent confixa trabali.
 Attamen ipse tui meliori parte superstes,
 Romulidûm dum iura forum colet, vsque fereris,
 Ingenij parta monumentis laude decorus,
 Miretur quæ posteritas, quæ laudæ amêtque,
 Qua dirimant lites, ius eruat vnde potestas
 Omnis, & ambiguum iudex examinet artem:
 Mortali regione etiam dicere relicta,
 Curriculo volucris subuectus in æthera, diuûm
 Concilio adscriptus supra cœlestia templa,
 Virginis aßessor, solio quæ iusta tonantis
 Assidet, æquata suspendit & omnia lance.*

I O A-



IOACHIMI BELLAI AN-
dini Poëtæ clariss. tumulus



*ELLAI, gremio Minerva docto
Quem fuit, Charis & venusta pauc
Succis ambrosiaque nectarisque:
Os cui Suada lepore tinxit omni,
Plus quàm Mopsopio fauens Pericli:*

Quem Phæbus, comes & Camæna Phæbi

Fontis Pierij rigavit unda:

Et vincto pede fecit & soluto,

In lingua Latiaque Gallicaque,

Et fandi coriphaon & canendi,

Sic nos deseris occidisque letho,

Manes ante diem petens sepultos?

Sic florentibus hinc migrans in annis

Et luctum & gemitum relinquis orbi,

Qui desiderio tui senescit?

Namque omnes veneres, ioci, lepores,

Atque omnis decor, elegantiaque

Tecum cespitem conteguntur uno:

Et versus silet absonumve stridet,

Vt nunc fundimus obstrepentis ore

Gerras anseris, aut inauspicata

Infauſtos ululæ modos ciemus:

F

Cum

Cum Phœbeius unus oscen esses,
Musarum Philomela cum canora,
Vocalique dares suauiores
Cantus gutture, quàm senexve cygnus,
Æger funera cum propinqua cantat,
Vel phoenix reparatus è fauilla,
Solem cum modulis nouum salutat.
Æquum stamina non erat sorores,
Fusis fata virum suis rotantes,
Firma rumpere sic tibi iuuenta:
Verum impendere tota pensa summo
Vati debuerant, nec imputare
Esset quòd colus enoluta tota.
Quin si quid reliqui fuisset ulli,
Cuius iam breue stamen amputassent,
Summa debuerant id applicare,
Et producere posteros Decembres,
Vltra secula Nestoris disertis,
Vltra tempora pulueris Sibyllæ,
Tithonique senis superstes ænum.
Cur regni Deus arbiter silentis,
Sic, heu, te iuuat inuidere nobis,
Si quicquam eximium est ut occupare
Illud mox properes manu rapaci:
Vsuramque neges moramque lucis
Longam, dimidiata fata carpens?
Cur ah non potius solum gementi
Tollis pondus inertium virorum?
Cur vinacia fata tendis istis?

Fastidis

*Fastidis nimis improbos, diuque
 Expectas nimis usque prorogando:
 Contrà in limine tu bonos iuuenta,
 Actis vix bene quinque saepe lustris,
 Thesauris avidus nigris recondis,
 Nati sint velut in tuam rapinam.
 Atqui cum probitas & his, & illis
 Accrescat sua prauitas in horas:
 In prauis properare debuisti,
 Ipsos ut minus improbos haberes:
 Esse at lentior in bonis vicissim,
 Esset quo tibi fœnerata virtus.
 Funestus fuit annus iste Musis,
 Quo sunt lumina rapta litterarum.
 Morbus Scaligerum peremit, arte
 Clarum Pæonis eloquentiæque,
 Altique in penetralibus Lycei.
 Morti te, Duarene, pigneravit
 Quartanarius aestuosus ardor,
 Legum enigmata iuris atque nodos
 Soluentem melius perititque;
 Quàm vel Scæuola, Paulus, Ulpianus.
 Non te garrula suspicaxque fama,
 Ficti nuntia pertinaxque falsi,
 Præstantem omnibus eruditione,
 Queis splendere datum toga forensi,
 Atque attollere dignitate fasces,
 Dotali in lare liberam solatum
 Vitam reddere, Ranconete, fuit.*

Gallandi columen decusque Phœbi
Vinebas, Academiaeque princeps:
Nec vir maximus oderas pusillum
Qui te suspiciebat Adrianum,
Et te plus oculis suis amabat:
Hec te tormina seua sustulerunt,
Dira & proluvie cruoris alius:
Nec te Pergamei senisque Coi
Hoc morbo potuit leuare cura.
Phœbus nunc & Hyantia sorores
Ne lugubria, ne nigros amictus,
Tristes funere quos tuo gerebant,
Ponant, continuetur ut nefastus
Luctus, victima concidit poeta
En noster, Stygio Ioui sacra.
Nunc de Castalia triumphat Orcus,
Cuius pignora prima vindicauit:
Nobis reliquias notæ secunda
Dimisit, veluti cadique facem,
Quam lucrum putat esse non habere.
Es felix tamen & beatus, hac qui
Bellai, regione demigrasti,
Que fraudi plaga criminique prostat.
Non in carcere nam tenebricoso
Inter tartareas manebis umbras,
Nec Dis te picea locabit aula:
Sed nigri effugies locos Auerni,
Et mox Elysy petes vireta
Campi, denia sedibus nocentum,
Quam

Quam laudis cupidi piique manes
Oram praepectibus sequuntur alis.
Illic largior aetheris sereni
Lux, & purior aura te fouebit:
Illic concilio frui Deorum,
Illic cernere quicquid & licebit
Omni tempora seculo tulerunt
Praestans integritate litterisque:
Nec florere malos & immerentes
Indignabere, laudis ac honesti
Calcatis titulis ut inquinatis,
Et virtute iacente ut obsoleta.
Illuc adueniente te poeta
Quos in delicijs amoribusque
Viuus semper habere consuesti
Occurrent tibi plurima salute
Extemplo, oscula diuidentque multa.
Te Gallandius obuys lacertis
Mox visum excipiet, manūque prendet,
Sermonem & seret eloquens magister,
Vita commoda quo perennis edet,
Et vita mala colliget caduca:
De me nonnihil & rogabit ille
Fortassis, nisi poculo capaci
Lethes faucibus ebibit liquorem:
Nec quam ceperat hic superstes ante
De me sollicitudinem, sepultus
Illic forsā omittet, hac & una
Vretur malè cogitatione,

F 3

Quod

*Quòd sim praesidio cliens patroni
 Orbatus: sed ei memento dicas,
 Ne se maceret, aut beata vita
 Turbet gaudia: me satis superque
 Eius munificentia beatum
 Esse, ut suppetat hic viatici sat,
 Quo vel non malè vita transigatur.
 In vestramue coloniam migretur.
 Nunc hoc ut caput expietur omni
 Vita crimine, vota mando vobis,
 Fœlices anime & mihi verenda,
 Pro me ut numina cœlitum rogetis,
 Allegoque preces ad illa vestras.*

V E R S V S P. G A L L A N D I I T V-
 mulo insculpti.

*Debueras fuluo, mi frater, stare metallo,
 Ob meritum grato cultus ab orbe tuum.
 Hic tua sed saxo frater tego membra rigenti,
 Prorque meis opibus te pietate colo:
 Immemor accepti dum cessat muneris orbis,
 Nec conferre tibi debita busta parat.*

C. V.



C. V. IOANNIS PRAEVO-
tij Senatus Parisiensis Præsi-
dis Tumulus



M B I G V O mentis diuersus disse-
ror astu,

*Prosequar an lachrymis, Praeoti, an
latus ouanti*

*Carmine concelebrem tua funera, in-
staque causa est*

Cur alternanti sententia pectore nutet.

Relligionis enim, fidei, virtutis auita

Exemplum quod eras, sancti quod iuris amissis,

Atque inuentuti quod eras imitamen honeste

Propositum, ad cuius se fingeret illa colorem,

Delicuisse velint, cur ciues imbre madenti

Amisso te, causa subest meritissima, tantum

Iactura fecisse tua qui morte videntur:

Vt disciplina veteris propè formula, nunc &

Exemplar pereat, te nobis funere rapto:

Frigidaque ut posthac sint morum oracula futura.

Acrius est etenim documentum, cuius imago

Nobilis exposita est, coram sensusque laceßit:

Præceptis quam quod nudis strepit atque susurrat,

Effigieque fidem nulla specieque meretur.

*Sin patria causam & nostram seponimus ipsi,
Solius atque tui rationem ducimus unam,
In partem examen meliorem pondere vergit:
Et dubitasse pudet, nihil illatabile quando
Euenisse tibi video, nihil atque dolendum:
Omnibus officiis quique omni munere vita
Perfunctus, Pyliam peruectus & usque senectam,
Sana nec expertus fortuna tela sinistra,
Cesseris ut conuiua satur, plenusque bonorum,
Suppeditare homini quæ suenit vita fruenda.
Iamque magistratu posito, simul urbe relicta,
Omnibus & liber curis, in ruris amœni
Secessu positus, melioris premia vita
Spectabas, & ad eius iter te mente pararas:
Mortem ceu tardam, ceu fata morantia multum
Increpitans, quod te hac in colluione tenerent
Longius, & cœtu cœlestum adscribere nollent.
Est sophiæ germanus amor studiūque, Platonis
Credimus & chartis, hæc commentatio mortis.
At vita illecebris multi & dulcedine capti,
Pulset eos quanuis penè octogesimus annus,
Non mortem expectant, non fata nouissima cernunt.
Ac si quando ipsis ex hac est luce migrandum,
Iniecitque manum mors, & vadimonia fecit,
Securos ut si deprendat in æquore nautas,
Cum ridet placidi mollis pellacia ponti,
Turbo repens ortus, tempestatēsque sorore,
Oppressos clamant, improuisoque queruntur
Auelli interitu, spemque & vota irrita lugent,*

In lon-

*In longum quæ mittebant, ut numine pacto:
 Accusant quæ deos & fata iniusta loquuntur,
 Quod primis sibi carceribus sit meta locata.
 Dicere fœlicem te docti secta Lycei
 Premia tergeminum complexum summa bonorum
 Posset, & absque malis interuenientibus ullis,
 Exemplumque sui te ponere dogmatis illa.
 Quippe tenore pari quem prosperitatis eunt em
 Quartus & abstulerit demum octogesimus annus.
 Fœlix de Macedum cognomen gente Metellus
 Qui tulit est habitus, gestis quod honoribus amplis,
 Quattuor à natis eboris quos sella curulis
 Extulerat, flamma fertur datus esse rogali:
 Et tibi qui summos gessisti viuis honores
 Inferias totidem charissima pignora mittunt,
 Et faciunt tibi iusta sacri præclara senatus
 Ornamenta, decus quos præsidiale togatos
 Insignit, celsi vel consulis insula comit.
 Nam gener & nati duo magni præsidis altos
 Attollunt fasces, insignia consulis unus.
 Moribus hic cum te referant, urbemque potentem
 Quæ caput est regni, totius splendor & orbis
 Seu quis iustitiam spectet, seu Palladis artes,
 Quod patria titulum communis iure meretur,
 Iusta lege regant, cen quattuor atque viratu
 Horum fulta salus populi nitatur & equi.
 Non mihi tam fato nunc esse videris ademptus
 Quàm postliminio rediniuus, deque renati
 Pythagora placitis non unus, fœnore largo*

Vltra

*Vltra Geryonem quadruplex sed redditus esse,
 Ut mage clareres ditioneque plura teneres:
 Quique magistratum magna cum laude, sed unum
 Gessisti, plures ut quadruplicatus haberes,
 Plúsque tua virtute frui respublica posset.
 Sed mihi fœlicis promenda professio sortis
 Elogijque tui: satis hæc narratio, cœnque
 Editio census ostenderit esse beatum,
 His rebus partis voneat, queis quisque potiri.
 Es natus Blesis ubi diuersoria regum
 Gallorum nitido pulcherrima marmore cudent:
 Hanc urbem Ligeris præterfluit agmine leni
 In gremio regni fundatam & pacis alumnam:
 Nobilitas urbis regum facit esse potentum
 Municipem: generis nec abest tibi stemma decori:
 Coniugio & Mariæ Brachetæ dignatus es alto,
 Auctum quæ pulchra fecit te prole parentem,
 Atque Uithyam fœlix experta fauentem
 Edidit octo mares serie trinâsque puellas.
 Continua tibi suppetijt res largiter ampla,
 Lustrâque sunt magnis bis quinque in honoribus acta.
 Te Lodoicus enim patriæ pater, optimus ille
 Musarumque parens Franciscus, & inclytus armis
 Erricus, fatôque puer Franciscus acerbo
 Raptus, consulis in fastis sellâque locarunt:
 Supplicibusque ydem te reddere iura libellis
 Arce Palatina proedrum iussere priorem.
 Omnibus ordinibus vixisti charus, amator
 Virtutis quod eras & seruantissimus equi:*

Et tua

Et tua ciuibus est probitas pietásque probata.
Segnitia incultúque animum sordere sitúque
Non permisisti: ingenuis verúm artibus illum
Ornasti, totúmque Deo cœlóque dicasti.
Quæ tibi crediderat vitam naturâ benignam
Clementémque tibi se præbuit, atque profundum
Ad senium te expectauit, dum reddere velles,
Non appellatrix fuit importuna, nec aures,
Aut oculos, membrúmve aliquod ceu pignora cepit:
Plerunque ut lentus mulctatur debitor æris
Pignoribus captis, acer cùm creditor urget:
Integer atque valens, vegetis & sensibus, villo
Nec captus membro, senio confectus & annis
Sic cadis hinc, cadit ut maturus ab arbore fructus.
Nobilis est, Tyronum quâ sunt & amœna vireta,
Et Tempe formosa, locus quem Nereis olim
Acide dilecto Cyclopi crimine cæso,
Trinacria pertasa solum procul aquore salso,
Et sibi delegit, de se & Galathea vocauit:
Est ubi Cyriaci vicus de nomine diui,
Qui tibi parebat iure & ditione patrono:
Emeriti cui depositum iam corporis antè
Fomentúmque tui curis atque vrbe solutus
Mandaras, vitámque Deo cœlóque sacraras:
Ut quandoque Deus signum daret induperator,
Atque huius linqui vitæ stipendia vellet,
Et velut hoc ex præsidio reuocaret & arce:
Accinctúsque fores & iter mox lætus inires.
Hic portus vitæ, requies viuacis & æui,


Hic

*Hic placida tandem compostus morte quiesci.
Omnibus optando sic fatus sine potitus.
Ergo in te lugere nefas sibi quisque quod optat:
Nam votis hominum non convenit atque dolori,
Sed vice natalis lux ista est fausta putanda.
Si namque, Aëteo quod verum credo Soloni,
Hac meritum affirmat iam certa in sede locatum,
Et constat summæ decus hinc vel dedecus omnis:
Ista tuos sine nube dies lux finijt alma,
Fecit & ut tuto pl. ssis vereque beatus
Extra fortuna positus vim telæque dici.
Hinc igitur lachryma procul, hinc & plāctus abesto,
Et luctus mœrens hinc, fœmineûsque ululatus.
Dicamus bona verba, precantia verba loquamur:
Et purè loti niueæque in veste nitentes
Fœlicem ad tumulum violas & olentia ferta
Purpurei floris, palmis & lilia plenis
Spargamus, simul Assyrios fundamus odores.
Dicamûsque huius fœliciter ossa quiescunt:
Sed superas animus fœlicior incolit oras.*

D E



DE · I M M A T V R O G E O R G I I
Bonæ Transilvani obitu.



*E V Bona florenti iacet interceptus
in auo,*

*Et quisquam in lachrymas, & in ex-
quialia cessat*

Carmina? cū planctus & Pannonis

ora sonantes

Ingeminet, laceris & eat, mœstissima peplis:

Amisso miserranda decus qua flore requirit:

Italidēsque gemant sua nutrimenta Camœnæ:

Quod frustra doctas hunc excoluere per artes?

Inferias igitur sacro V ictorius ore

Mittit, & exculti celebris facundia Pauli.

Faseolus queritur tua funera mœstus acerba.

Te Robortellus Latij Grayque professor

Eloquij, gaudet quo Felsina clara magistro,

Discipulum primis abreptum mœredin annis.

Officiūque pium Sambucus ubique tuetur:

Pannoniōsque iubet, Gallos, Italōsque dolere.

Verſibus egregijs sermone utroque poetæ

Intempestiuo te deceſſiſſe queruntur

Interitu: rude carmen eis interſtrepit iſtud,

Improba Cecropias offendens pica querelas.

Dave-

Da veniam, munusque meo metire dolore,
 Non merito, generose, tuo: si condere carmen
 Quale meres, nequeam, fuerit damnanda facultas,
 Non animus culpandus erit, licet ista putetur
 Nenia, quam stultis decantat præsica verbis.
 Indole cum tanta virtutis præditus esses,
 Consilio & factis potuisses fortibus olim
 Afflictam releuare solo, releuare iacentem
 In decus antiquum patriam, te sospite cui spes
 Barbaricum fuerat dominatum exire remoto
 Posse iugo, perculsa tua nunc illa ruina
 Despondetque animum, libertatemque relegat
 Inclementis heri passura nefaria iura,
 Et quodcumque nefas volet imperiosa libido.
 Quanta orbi iactura pio te facta cadente est?
 Pannonis antiquis te vindice terra receptis
 Finibus, ah, nobis in propugnacula belli
 Impia quod sanctis Mahumetis secta minatur
 Præsedisset, opem Christi rebusque tulisset.
 Quid quod & in medijs hymenais fratris iniqua
 Sorte peremptus obis? quod pro genialibus urget
 Funereas lucere faces sanissima Parca?
 Debuerat licuisse minus fatalibus horis,
 Germanisque colos que duro pollice tractant,
 Latitiæque nefas interuenisse beata
 Non decuit. Quid ius tam pauci ledere vestrum
 Excepti potuere dies? an vestra potestas
 Non satis, ô Parca, vobis asserta fuisset,
 Nivos & choreas, pacti festosque iugalis

Funestasse

Funestasse dies letho sciremus atroci?
 Insultare viris generoso sanguine cretis,
 Candidaque in pullas velamina vertere vestes,
 Gaudiaque in lachrymas, & singultantia verba,
 In plangtus mutare choros, luctumque nefastum,
 Mortales odisse fuit: ludoque cruento
 Velle iocoque frui, fuit inuidisse malignè.
 Sic meus Erricus dum coniugialia nata
 Orgia concelebrat ludis solennibus, hasta
 Fragmine percussus sceleratam sensit Erinny.
 Vrsula que nati curabat pronuba thedas,
 Laude omni prestans, matronalique pudore,
 Alterius nati producit funera corpus.
 Pontificumque Olahus decus, ornatúsque piorum,
 Auspex qui sanctis sacra leta peregerat aris
 Iusta facit, sacris feralibus atque parentat:
 Induxitque nigrae mæstus sibi vellera vitæ.
 Si tibi primæno, iuuenis generose, cadendum
 Etatis sub flore fuit, cur lectulus egro
 Exhaust potius vitam, quàm barbarus ensis,
 Martia tentanti pro religione pericla?
 Infeſta commiſſa tuba nam prælia debent
 Pannoniſ inferre necem, qui ſanguine claro
 Sunt geniti, cùm Chriſticolis procul urbibus hoſtem
 Oppoſitis argent ſcleratum fortiter armis.
 Conqueror hic ceſſaſſe deas fatalia nentes
 Stamina, debuerant quæ feſtinare, tibi que
 Accelerare diem, & dirum præuerrere morbum.
 Hoſtili mandata manu ſolatia nobis

Mors

*Mors ferret, qua legitimo, patrioque fuisset
 Nobilis excessu meritis cœlestia templa,
 Demeritusque piam defenso numine gentem.
 Hoc suspirabas, hoc ipsa in morte gemebas,
 Cum iam deficeres, premeretque natantia lethum
 Lamina, Turcarum quod non proprioque madentem
 Sanguine, te superum sub limina fata vocarent.
 Tutamen à superis simili donabere lauro,
 Proque focis, ac queis proque aris vita profusa est.
 Velle. etenim fecisse fuit, propensa voluntas
 Factis æqua pari mercede rependitur illic.
 Ergo conuexi fulgens te regia cœli
 Accipiet, mixtusque choro non degener ibis
 Heroum, aduerso pro religione tulerunt
 Pectore qui sacri lethalia vulnera belli.
 Pannoniosque tuos agnosces letus ouantes,
 Atque triumphalem Getica de strage phalangis
 Coruinum, reliquis splendentem clarius umbris.*


AD IOACHIMVM BELLA-
 um de morte Errici II.

*Immeritaregem sic luges morte peremptum,
 Flebilibusque citas carmina mœsta modis,
 Integrat Aëneas ut aëdon orba querelas,
 Et sua vocalis funera cantat olor.
 Debueras alia, rex optime, morte perire,
 Mors tua non alio debuit ore cani.*

IN ARI

ADRIANI TVRNEBI 97
IN ARISTOTELIS SIMV-
lachrum antiqui operis M. Hospi-
talis vultum referens.

*Fallit Aristotelis sub nomine fusa metallo,
Quæ magni species Hospitis ora gerit.
Nec fallit, seclis quoniam redeuntibus ortus
Hospes, Aristotelis mens facièsque redit.
Panthoides in Pythagora sic antè renatus
Dicitur humanam rursus inisse genus.
O mihi Memmiade, incunda ac dulcis imago,
Vno qua in vultu donat, utrumque virum.
Doctior est illo nullus, neque doctior isto:
Neuter habet vita nec probitate parem.
Ille sua patria Pellæo diruta marte
Hostili emeruit tecta resecta manu.
Nostram hic, quæ præceptis civili impulsâ furore
Corruit, in vitam restituitque gradum.
Ille sua patria leges & iura rogavit:
Huius in edictis nostra reposta salus.
Ille quoque Hermiæ Phœbæo nectare carmen
Condit, hic Phœbus quæ canat ipse, canit.
Ergo animi cùm sint similes & corporis ambo
Dotibus, effigies illius, huius erit.*



De P. Ronfardo cl. Poëta.

Ronsardus carmen Musis & Apolline dignum

G

Qui

*Qui pangit, qui Graiugene Latiaëque Camœne
Ornamenta suis aspergit plurima chartis,
Atque indicta prius dias in luminis auras
Multa viris priscis auctor doctissimus effert:
Vermiculata notis variant emblemata pictis
Cui versum, gemmaque nitent, & carmina signant:
Purpureis veluti se floribus induit arbos,
Pingitur in varios aut pratum vere colores,
Aut picturato pratexens aëra limbo
Ducit ab aduerso speciem Thaumantias astro:
Aonio Musas deducet vertice primus.
Primus Idumeas feret & tibi Gallia palmas:
Sequana quâque piger sinuosis flexibus errat,
Amnæque diuiduam coniungit pontibus urbem,
Pierides vobis solido de marmore templum
Hospita tecta parans angusta sede locabit:
Vester & antistes vittis sacrata reuinctus
Tempora, Panchæos aris adolebit honores.
Ante hunc incomptis Fauni Satyrîque canebant
Carminibus, numerûsque rudi Saturnius ore
Stridebat, nec erat vobis Phæbôque poëta
Vllus digna loquens, sed ineptus quale per agros
Perstrepit upilio siluestri carmen auena.
Primus at hic plenos deprompsit pectore cantus,
Et sensus viuus animauit vocibus: ipso
Impleuitque deo, quem cordibus intus anhelis
Enthea verorum spirant præcordia vatum.*

C L A.

*Vipereo quæ tu vulgas aduersa veneno
Carmina Romani compta nitore soni,
Iurat Apollo Deus vatium, Latiaq̃ue Camæna
Esse ex Albanis hæc tibi nata iugis.*

Εἰς Νίκανδρον καὶ Γορραῖον.

Πολλὰ τεῖν Νίκανδρε μάχαρ, παρεθήκαο βίβλω
Μείλιχα τῆς πινυτῆς φάρμακ' ἀκετορίης,
Γοβόλοις δακέτοισιν ἀλέξια, τοῖσι Γορραῖος
Πάνσοφος αὐσονίων γῆραι ἐπημφίασεν.
Ὅ φθόνον ἔλόμενον καὶ βασκανίην ἀλεγεινὴν
Ἀλκαρὶ ἠτρεύσῃ σκόφασιν τ' ὀλοῖω,
Οὐδ' ἐσὺ, καὶ αὐτὸς ἰήσιος ἔυροι Ἀπόλλων
Τῶν κρῖ' ὄσων πάσης δηγμὸς ἔφυ παλάμης.

AD EVNDEM

*Qui Gorrae virum properantia fata moraris,
Parcarum & tendis lina breuesq̃ue colos,
Orci quique mihi reuocato à fauce dedisti
Vitali cæli lumine posse frui:
Rochonem Chordamque tui suffragia puncti
In primis faciant, quæso, sedere locis.
Hoc probat & Paon natûsque Coronide nympha:
Hoc probat & Coeus Pergameûsque senex.*

G 2

Hoc

*Hoc medici fratres Podalirius atque Machaon,
 Hoc tua Phœbus item maxima cura cupit.
 Cœlitibus pudeat te dissentire tot unum,
 Artis & auctores deseruisse tux.
 Hos igitur iubeas subseilia prima tenere:
 Vt longum post se ducat uterque gregem.*

Pro Leodegario à Quercu.

*Grata quidem fuerat Daphne dū intacta manebat,
 Dum fuerat saluus virginitatis honos:
 Grata quoque arbor erat matri gratissima diuinum,
 Hirsutis vernans dum stetit illa comis.
 At postquam rapuit Boreæ vis improba utramque,
 Prorsus & immitti depopulata manu est:
 Attestor superos nil iam mihi gratius esse
 Quàm qua de quercu facta corona datur.
 Quid iuuat in Quercum genuinum frangere dentem,
 Quam feriens resilit durus & ipse chalybs?
 Hancne etiam vestris vultis exurere flabris,
 Vt nihil exuperet quod mea busta tegat?
 Non ego delector salicum malè prouidus umbris,
 Quas quiuis dubias turbine ventus agit.
 Non hederas (quanuis lambant mea saxa) sequaces
 In quercum cupio serpere fronde meam.
 Illa mihi charas charissima porrigit umbras,
 Contemnens Boreæ flabra, Idusque minas.
 Nam quantum æthereas ramis se tollit in auras,
 Tantum radices Tartara in ima iacit.*

BAΣΙ-



ΒΑΣΙΛΙΚΟΣ ΠΑΡΑΣΙΤΟΣ.

H *ST parasitus egens qui regia teſta
frequentat,
Nulli non notus, nulli optandūſque
ſodalis:
Manè ſalutator primatum inſiſtere
limen*

*Qui ſolet, & magnæ capitur nidore culinae:
Ore loquax, atque ore vorax: os ledere nulli
Lentus, nec ſuperis ſolitus quoque parcere diuis.
Scriptorum genus omne ſua trutinare ſtatera
Aſſolet, æquatæque examinat omnia lance:
Nec laudare ſolet, ſed carperè dente maligno:
Attollitque ſupercilium, vocisſque boatum
In iuuenum cœtu, ſolūſque loquaciter omnes
Obruit undanti verborum flumine, vixque
Enatat, è tanto nugarum gurgite quiſquam,
Qui non veſanæ condemnet iurgia lingua.
Quid ſtylus & ratio ſcribendi, quæque figura
Dicendi, nulla non perſtrepit improbus hora.
Arrogat iſta ſibi, ſe prædicat iſta tenere:
Detrahit hæc alijs, ſibi quæ ſe indice donat.
Iſte colax epulas ſi quando eſt naſtus opimas,
Regi aut Satrapæ ſermonis cedere partem*

G 3

Nescit

Nescit: & hyberno torrentior amne volutus
Quid tacet aut quid non blaterat? nunc iste potentes
Committit reges, placido mox fœdere iungit.
Turcarum historiam memorat, nostramque reuoluit:
Illi Turca placet, dolet idem principe Franco.
Turca fidem colit usque, colunt mendacia nostri.
Semper, ait, reges: assuevit & artibus, inquit,
Ille bonis, at desidia luxuque liquecunt
Nostri: nulla placent exempla domestica ventri
Atque gulæ nostræ: cuius tamen ingluosum
Abdomen nostras non improbat, undique mensas.
Et tamen ut calicem à mensa mox verterit unum,
Arripit hunc quadra cuius saturatur inempta.
In mensa humanis de rebus crederet istum
Et de diuinis quis cernere, nemo focorum
Ararumque fuit miles tam strenuus unquam
Defensor, mensæ quàm iste oppugnator opimæ.
Opplet enim frustis malas prae grandibus ambas:
Vrsus deformem prandere, lupumve rapacem
Multis impastum censeres antè diebus.
Nec silet interea, verum quantum ingerit escæ
Egerit eloqui tantum: ceu frustra loquelam
Eyciantque premantque foras, ingurgitat autem
Tantum etiam vini cum siccis faucibus aret,
Quantum prolueret lutulentis antra cloacis.
Affectauit ebur noster quandoque curule:
Verum tum sensit censorum theta seuerum.
In mensa nam qui magnorum dogma sophorum
Explicat, exiguo tum concidit ipse rogato:

Deposuit-

Deposuitque curule, & mensam cœpit ut antè
 Affectarier, & primis accumbere lectis,
 Effrons nil veritus, metuensque offendere nullum.
 Limine nam primo deponit fronte pudorem,
 Et pedibus calcat, positumque resumere temnit.
 Si quis eum fortasse cupit cognoscere, dicam:
 Vir quadratus hic est, habito benè corpore, vultu
 Purpureo rubri miniato murice vini:
 Ornauit quem Ser, nunc pingui vellere vestit
 Gallia, sed primo nudatum deferet anno.

A. TVR. I. P.

Heri vindemiati mihi, dolorem capitis & nauseam
 contraxi: quibus leuatus sum, ubi hos versus euomui.

In medicum quendam.

Mella sôpora tibi cùm sint nec mella sôpora:
 Mirificum vatem te, medicumque probas.
 Virgilio dulci distendit nectare cellas,
 Hyblaëum florem quæ vaga libat apis.
 Mel sapit Actæi nec quenquam sôpit, Hymetti,
 Vt placuit Coo, Pergameoque seni.
 Dulcia qui fingunt, mellitæque crustula vendunt,
 His in melle sapor, non sôpor ullus inest.
 Mella sôporifero sed tu persusa veterno,
 Immensa solus garrulitate crepas.
 Mandragoræ succos, Stygiæque obliuia Lethes,
 Et tibi sômniferum mella papauer habent.
 Quæis non tantum homines sômnio cogantur inertî,

G 4.

Terge-

*Tergeminus verum ponere colla canis.
 Hic iacis indocta petulans conuitia mandra,
 Et strepis infani verba canina fori.
 Ista palaestra tibi est, linenti rodere dente,
 Cum nihil explanes, ista palaestra tibi est.
 Dij faciant isto sopitus melle taceres:
 Non etenim, cui mel non sapit, ille sapit.*

AD D. IOANNEM.

*Ardua sublimi qua passim vertice surgit
 Plurima per patulas arbor opaca vias,
 Urbibus inductas imitatur frondea siluas,
 Et facili agrestem texit ab arte casam.
 Has Siluanus opes tulit huc è monte comanti,
 Semiferumque genus, Pan Satyrique leues:
 Dum tua concelebrat studiosis orgia votis,
 Inclyte Ioannes bibliopola frequens.
 Namque ubi calato coepere elementa metallo
 Semper victuros multiplicare sonos:
 Doctrinam ex illo quoque numina ruris amarunt;
 Pan spernit calamos sollicitare suos.
 Hellepontiaci tutela fidelis alumni,
 Deposita librum falce tenere cupit.
 Coniferam solitus Siluanus ferre cupressum,
 Hac posita in solo rure volumen habet.
 Excudendorum sic ars inuenta librorum,
 Erudit mores excoluitque feros.
 Ergo tibi cupiunt illi pro parte virili
 Huc conferre animi munera gratia sui.*

DEOS



DEOS FRANCO FAVERE,

sed cum ordinis perturbatione rem malè

gerere, dum longinqua capeffit,

propinqua relinquit.



V I D seriem rerum, diuûmque quid
orsa retexis

*France? nec ordo tibi, quem diſtatuê-
re, probatur?*

Illi rectorem toti te imponere mundo

Si cuperent, nolles: ſed & aduerſarius ires.

Hiſpani quid enim melius rationibus hoſtis

Conſulis atque tuis? optes cum bella remota

Sic gerere, incassumque tuas effundere vires:

Vicinûſque tibi latus hauriat hoſtis inermum?

Quod ſi quid ſaperes, & quâ decet, ire parares:

Contemnendus erat mage, quàm metuendus Iberus:

Cuius ut attonita lacerarunt Penthea Bacche,

Membra locis diſperſa iacent lacerata, nec illis

Vitali irriguus ſub ſœdere ſpiritus hæret.

Proxima quæque horum, validiſſima quæque domato:

In reliquis ſacili fuerit victoria niſu:

Et regio regni tibi continuabitur una,

Senſu uno inncta, & geminatis viribus aucta.

Mitte

*Mitte alios hostes, Belgam superato ferocem:
 Hoc caput, hoc latus est, cur non tuus hoc petit ensis?
 Hic ingulus feriendus erat, hac pectora ferro
 Sunt fodienda tuo, tibi sunt hac prima domanda.
 Hac confecta tibi prouincia conferet orbem.
 Longinquas sine militias: quid Daunia regna
 Tam longis petis exilijs, Belgamque relinquis?
 Roboris accedet tibi plus, plus unde pericli.
 Annales enolue tuos & damna recense:
 Quid Pelusiaco bellum indixisse tyranno
 Profuit? ad Tyrias quid tendere classibus arces?
 Et toties vanis tentare Neapolin armis?
 Quod si adeo magna Hesperia te forte cupido
 Sollicitat, subsitque tua cupis Insuber aula,
 Armis antè tibi est superandus Belga rebellis:
 Hac iter est Francis illuc, ne deuius erres.*



Epinicion de Calisio capto.

*Ergo pedem tectis iam tandem latus opacis
 Effero, damnata fueram que luce secutus
 Pertesus solis inbar, & non inscia nostra
 Sydera fortune, caligantèsque tenebras
 Amplexus, densa tegerent, ceu dedecus umbra.
 Multum incusabam superos, iniusta fremebam
 Numina: captinósque duces, atque oppida nobis
 Hostili populata manu, atque erecta trophæa,
Inuidiam*

*Inuidiam superis facturus voce querebar.
Absoluit fortuna deos alterna, vicēſque
Attulit optatas, & proſperiore regreſſu
Extulit in cœlum quos merſerat antè profundo,
Et ludo fruſtrata ſuo eſt, quibus antè ſerena
Fulſerat. affirmet modò nobis commoda tanta,
Triftia nil querimur, nobis incommoda belli
Hac mercede placent: ſic nos periſſe iuuabit,
Nobiſcum ut melius decidat, pluràque donet.
Nunc iacet hoſtis inops animi mentisſque ſuperba
Voce laceſſebat qui numina ſancta deorum:
Qualia terrigena quondam conuitia diuis
Iactarunt, celiſi peterent dum culmen Olympi:
Nunc ſtupet attonitus ſubito rerum orbe Philippus:
Et quo nunc fortuna ruiſ? quo deſeriſ? inquit:
Quos petiſ inconstans, en hac ſeruata fides eſt?
Quid pepigi tecum? illa refert: num conſulis oro
Illa boni, tibi quæ quia ſum largita benignè
Nec poſſum inuidiam ferre, & rea poſtulo? ante
Perpetuos docuit pater expectare triumphos?
Errici imperio, & felici Marte ſubaetus,
Quos eiurauit rerumque reliquit habenas?
Si qua prius fuerat latis huic laurea bellis
Parta manu, calcata iacet, poſitoque fatetur
Victorem regno proiectis degener armis.
Hinc ſortis documenta tue tibi ſume, paterna
Te moneant exempla, pari decurrere lapſu
Reſ peſſum nunc crede tuas, retròque referri:
Hac fuerint tibi lata tenus, nunc damna ſuperſunt
Exitijs*

*Exitijs memoranda tuis. Nam Visius heros
 Errici auspicijs venit, diuisque secundis,
 Consilijs fecunda euoluit pectora frater
 Cui sua, purpureo defendens astra galero.
 Huic non praua lidis succincta turribus arces,
 Præruptis imposta iugis non oppida, sed nec
 Vlla Cyclopeo moles fundata labore
 Restiterit, campoque manus non obuia tendet.
 Hoc poteras absente ferox, fortisque videri:
 Ringendum est præ sente tibi, Belgaque rebelli
 Desperanda salus, & Franci iura ferenda.
 Hanc tibi fortunam Fortuna oracula pandunt.*

Errico II. Franc. Regi.

*Frondet oliua tibi, tibi Delia palma virescit:
 Pacis, victor ouans, arbiter vnus eris.*

De Calisto capto

*Errico debes Mare, verè ut dicere possis,
 Et penitus toto diuisos orbe Britannos.*

De columnis Caroli V. Imp.

*Promonet alterno qui vix vestigia gressu:
 Quem malus in toto corpore languor habet:
 Ausus erat fuluis oneroso ex ære columnis
 Herculeis, humeros supposuisse suos.*

Sed

*Sed malè sedit onus, lassatâque pondere cernix
 Emerito cecidit debilitata seni.
 Excipit hanc natus molem iuuenilibus annis,
 Succiduo nec eam poplite ferre potest.
 Rumpe moras Errice, oneri succede cadenti:
 Opprimat Hispanum tanta ruina caput.
 Et fulcire humeris, & sustinuisse lacertis
 Tu potes, hac collo sarcina digna tuo.*

DE ERICO QUI PVER obses pro patre apud Hispanias fuit.

*Quod Siculi fratres, qui fessum atate parentem
 Ignis per liquidas eripuerunt vias:
 Quod charum sano caput obiectare tyranno
 Qui tulit, in sociam subditus hospes opem:
 Quod pius Aeneas, medio qui ex hoste recepit
 Afflatum rapidi fulminis igne patrem:
 Hoc tua primævis infantia fecerat annis,
 Lausque rudimentum est indolis ista tue.*

DE EXPEDITIONE ERRI- ci II. in Germaniam.

*Vt metata suas tentoria vidit ad undas
 Rhenus bicorni gurgite,
 Haussit & ignota vocis commercia, semper*

Ori

Ori adſuetus Teutono:
Obſtupuit, lymphisſque ſuis piger alueus hæſit
Defixus ad ſpectaculum.
Coniurata ſua ſenſit mox arma ſaluti
Signis quieta fulgidis:
Nam neque vaſtari, populatis finibus, urbes,
Nec obſideri milite
Cernebat, noſtras placido ſed Marte cohortes
Duci per intactos agros.
Ergo tibi blandos bonus hospite gurgite lapſus
Sternebat inuitans iter:
Nauigijs iungenda tibi ſua terga daturus
Tali beatus machina:
(Caſareo non ſic experta eſt ſublica ponti
Vadis amicum lenibus,
Verùm indignantem legiones ferre Quiritum
Populis minaces liberis.)
Auſpicijs niſi leta tuis Germana iuuentus
Et excitata clafficis,
Protinus ipſa ſuis animoſè finibus hoſtem
Verſo fugaffet agmine.
Iſta tuos titulos adſiſxit Carole clades,
Adſiſxit iſta laureas.
Pluſque tibi perijt, quàm quaſitum omnibus annis,
Tota exulas Germania.
Maſte iſta virtute potens Errice, triumphos
Nobis auorum ſic reſer.
Nec tantum gere bella tuis, externa ſed hoſte
Pacata ſic domito aſſere.

Quippe

Quippe tuis prodesse parum est, tua gloria regni
Excurrat ultra limitem.
Talis Idumæis florebat Gallia palmis,
Cæso triumphans barbaro.
Et longinqua suo bella exhaustura periclo
Poscebat alienas vices.
Sic plures alijs, quàm ciuibus imputat olim
Vidtrix dextra adoreas.
Gracia Flaminio sic vindice libera facta est,
Vt Rege Tauto vindice.
Processus numerare tuos meritumque deorum
Ne mente grata desine:
Nam fratrum medio tibi regna beata dederunt
Soli fauentes cælites.
Belgica moxque tuo repetita Bononia bello
Sub iura cessit Gallica:
Et spectata tuis sociali Scotia dextra
Iam iam futura Saxonum
A te asserta, ferox hostem nunc prouocet ultro,
Victoriam atque spondeat.
Pontificis nec Parma duces, nec Cæsaris à te
Defensa vires horruit.
Accessit titulis Germania libera tantis
Gens seruitutis insolens.
Hoc tyrocinium primæuo flore dedisti,
Regni rudimentum hoc tui est.
Ætate ut reliqua tua vincas conditor acta
Vouemus assidua prece.

M O N H-

M O N H P H Σ B I O Σ.

Est genus in terris, hominum mortalia supra
 Pectora, quod spiratque viamque affectat Olympo:
 Soli uagum primo tenuit spelæa ferarum,
 Et silvas saltusque: urbes inuisere nunquam.
 Assuetum, loca sola sequens, nulloque beatum
 Vel lare, vel socio, nec gaudens diuite censu.
 Punica sanguineis adamans auaritia baccis,
 Et montana colens ruris, vallésque reductas.
 Qualis in antiquis fuit olim ciuis Athenis
 Humano Timon odio notissimus orbi,
 Perfidia osor, reppudium qui miserat urbi.
 His domuere famem vulsis radicibus herba:
 Alma Ceres ignota fuit: vix pocula labris
 Sobria lympharum, cum sol æstate vaporat,
 Faucibus indulgere suis: ieiunaque saepe
 Tempora transigere, modis pallentia miris
 Ora ostendentes, ut plurima mortis imago
 Esse videretur, simulachraque luce carentum
 In vacuis errare iugis quis fœda putaret.
 Illis religio cura numenque deorum:
 Sollicitauit eos non vano gloria furo:
 Coniugium, dulcesque thori bona pignora natos
 Spreuere: & mundo optarunt celestia spreto.
 Asper eis vestitus erat pulligine fusca:
 Et medios vili stringebant cingula nodo.
 Talis erat cultus, terris animalia primum
 Cum rudibus repsere, domus cum lustra fuerunt,
Necdum

Necdum munita considerat ullus in urbe.



Fragmentum.

FONTIS Hyantei quæ sanctas voluitis undas
 Pegasides, gemini colitisque cacumina mortis,
 Ferte sacras huc fontis aquas, fluat, ubere largo
 Nostris unde genis lachrymarum largior imber:
 Nil tripodem laurumque moror, Phœbae poëta
 Numina sollicitent, nullo quibus anxia damno
 Pectora: nunc vestris opus est ad tristia lymphis.
 Deplorandus enim nobis Gallandius: ergo
 Huc suffecturos oculis inuergite riuos.
 Vester alumnus erat, vestro quoque respicit infans
 In gremio, reliquos vobis sacer egit & annos.
 Non quisquam de fonte sacro Parnasidis undæ
 Plus bibit, & vestras haud doctior attigit aras:
 Pieri penetrale tholi succedere nulli
 Interius licuit: vester fuit ille sacerdos,
 Vester & antistes: nos cætera turba profani,
 Orgia dum niuea celebraret mystica vitta
 Aonio in templo, Musasque in vota vocare
 Vix digni spectare procul limenque tenere.
 Quinetiam solido vobis de marmore templa
 Pierides posuit, numerosa Lutetia celsæ
 Suspectat quæ postea ingo, vos hospite tecto
 Aone digressas cliuo quæ sæpe receptant,
 Atque Heliconiacis suadent decedere rectis.

H -

Hoo

*Hoc animis aquare fuit sublimia regum
Facta, voluptati non impendisse paratas
Dinitias, avidis nec continuisse sub arcis:
Sed sacrasse Deis atque in commune dedisse.*

HISTORICVM multis emisti Errice talēis.

*Ludibrium qui te ridiculūmq̃ facit:
Non finit ille tuos manes requiescere in urna,*

*Quos vexat, mendis sollicitatque suis.
Elogio qui se, qui te traducit inepto:*

*Merx mala quā magno vāniſt iſta tibi!
Confectam hīſtoriam contexit, & illud & iſtud
Quid diſtent, nescit, quid valeāntque miſer.*

Vrbes qui captas ait à te ſæpe receptas:

*Contra Grammaticos & ſibi oportet, ait.
Qui contra Aſtrologos, Saturnia ſydera dicit
Fuiſſe, ac dicet mox nocuiſſe Iouem.*

*Incomptis olim qui verſibus & malè natis
Chœrilus, hoc Clario ſed prohibente Deo
Rettulit acceptos regale numiſma philippos,*

*Hiſ poterat lectis eſſe pœta bonus.
Propoſita eſt iſti ſcribendi maxima merces,
Vt ſileat potius congeminanda fuit.*

VIRGINEVM laxa fruſtra ſemur icis aluta

*Semiuir, in ſacilem nec potes ire viam.
Lorea ſed gelido tibi prominet inguine vena
Nunquam ſœmineos auſa ſubire locos.*

Qua

*Que velut improuisum aspris in sentibus anguem
Presserit, inde retro tota repente fugit.*

*Cyaneas nunquam cautes rate vector adires,
Nec tua Scyllæas puppis iniret aquas:*

*Nec valido rueres emotas cardine portas,
Vrbs foret hostili si capienda manu:*

*Mollia qui tenera perrumpere claustra puella
Nec moliri aditum segnis inersque potes:*

*Si sapis hoc rigido tibi pondus inutile ferro
Demete, ut excutias castoris instar onus:*

*Pendula ceu Samia sibi defecat inguina testa
Entheus ad Phrygios qui solet esse modos.*

*Opereat miserè qui tendi nesciet arcus:
Opereat tendi fors lyra si qua nequit.*

*Laxa quid arma iuuant? nutante peculia collo
Quid gestare tibi sic onerosa placet?*

*Dede neci, tua sic fueris sic probra virorum
Vltus, qua fecit pars scelus illa luat.*

*HÆREBAS nuper furti manifestus optimi,
Et tua querebat cabala iam gabalum:*

*Sed regis genibus supplex aduolueris: & qui
Abnuis heu veniam furibus ipse petis.*

*Consilium laudo, tibi pœnam quippe dederunt:
Pradandi socius nam tibi nullus erit.*

*Adde quod illorum bona quadruplator inuncas,
Et damnatorum quod bona sector habes.*

*Mercurius verè tuus est, furâxque Lauerna,
Quorum euasisti numine supplicium.*

H 2

Et nunc

*Et nunc securus, fumose lauernio, fumos
 Vendis, securus nunc clepis atque rapis.
 Quicquid habes furto debes, patronus eras fur,
 Inque Palatino cum grege praeses eras:
 Et nunc assessor regis furaris, ut ortum
 Hercle tuam furto non caruisse putem.*

*N V N C demum tua vita probi quam vera Catonis
 Verba sient, nimium, perditte prado, docet.
 Exigui fures in neruo & compede viuunt,
 At magnos aurum purpura & ampla tegit.*

*Q V I leges scripsere, Deo sacrasse feruntur,
 Ut rata diuino numine iura forent.
 Auctorem lex te Minos: Iuppiter edit,
 Iura dedit quondam Palladis arte Solon.
 Falcifero tribuisse seni sua iura Charondas
 Dicitur, Egeria dicitur atque Numa.
 Tu quoque, maiorum ne more migrare puteris,
 Condere iura mali demonis arte soles.*

*E X Q V A E S T O R leges fixit pretioque refixit
 Qui ius collegit Roma superba tuum:
 Illius exemplo consultus ut esse putetur
 Ius cauponatur Gallicus iste Solon.*

*C U R leges nobis fers, cum tua vita sit exlex?
 Antè tuum debes lege notare caput.*

Quod

*Quod si quam posthac condes, à rege petemus
Iulia te Verrem puniat, atque Parim.*

*MITTERET ut gladiū, pacēq; ut tolleret orbi,
Iulius è Stygio venerat ante lacu.
Qui simul ac festa pacis reditura serena
Audivit, Stygias mox repetiuit aquas.*

*INGENTEM mæchus qui nuper adeptus ho-
Gallia non sano flagret ut igne petit. (norem est
Nostra tamen si quid valuissent vota, profecto
Obrutus insanis esset adulter aquis.
Ne quis mæchetur præcepit Christus, at, vxor
Nulla tibi, possis mæchus ut esse, placet.*

*MORBO vexari rumor te nuper atroci
Sparsit, erat morbus Parthenopæa lues.
Ægra videbatur recreari Gallia, cui tu
Fur, lator, fector, prado, coactor, obes:
Cum quis ab hostili medicus regione profectus
Æqua tibi praua fata retardat ope.
Scilicet is nostris tum profuit hostibus, atque
Pressit seruitio Gallica regna gravi.
Nam ramale vetus prægrandi subere coctum
Protinus effecit fronde virere noua.
Nec tamen hoc impune tulit, nam sana medentem
Inuasit scabies, qua miser usque perit.*

TRES infulati vos valete Episcopi,

H 3

Arces &

*Arces & urbes hostibus quæ proderet
 Male suada vestra regnat in cathedra fames,
 Nihilique Musas aula mendicas facit:
 Quæ moriones, ludios, scurras, planos,
 Quæ balliones, Phormiones quæ fouet,
 Proscriptione quæ lupas, mandras, fabros,
 Pedo quæ betas, causia & fungos beat,
 Nummum Camœnis plumbeum nec erogat,
 Vestram & profucha consecrauit exhedram.
 Quare mithrati, tres valete Episcopi.*

Fragmenta.

*E R G O nefas vidēre dei, exemplōque pararunt,
 Sublimes animos aduertere celsa timere,
 Neu se ferre pares unquam caelestibus ausint,
 Alterna neu spresse velint ludibria sortis,
 Instabili cum sic se lubrica torqueat orbe.
 Vulneribus cum tota virū quos purpura vestit,
 Et solio imposuit patria diadema tiara,
 Atque hominem supra quos aura euexit honoris,
 Innumeris pateat nudato pectore vita,
 Transadigit costas, & crates pectoris ense
 Confodit, & totum consumit vulnere corpus
 Fortuna omnipotens, ferientibus impigra telis.
 Et qua parte putes muro septemplice tectos,
 Hinc stragem properare iubet rerūque ruinam.
 Est locus extremo qua limite contigit arces
 Mediomatricum Leucas quaque agmine leni*

Diuiduo

Dividuo liquidus praelabitur amne Mosella,
 Naturaque manūque potens, nec pervius ulli:
 Accessumque negat, sic crebra vorago paludis,
 Illuiesque solo fluvio stagnante refusa
 Municipem obducta vetat, obsedisse corona.
 Mœnibus ille locus sublimibus, aggere iactō,
 Depressa in praeceps fossa, fluvioque rigata,
 Alitibus superandus erat: tormenta fragosa
 Horrebant, totis per propugnacula muris:
 Horrebātque hominum strictis seges ensibus, atque
 Fulminea sclopūm pubes metuenda procella,
 Vis ut nulla virūm, non ipsi excindere ferro
 Coelicola possent, structas adamantibus arces,
 Infessāsque virūm numerosis antè manipulis.
 Sed iubet hunc nullis opibus confidere Christus,
 Qui sibi praesidit sublatum deicit ultro,
 Adfligitque solo documentaque maxima pandit
 Exitis testata ducum, quos alta superbum
 Erexit super astra decus, mox dedecus ingens
 Praecipites volucris detrusit in infera lapsu.
 Non fuit aërys inserta cacumina nimbis
 Durius Amathio regi domuisse, vetustas
 Inuia pennigeris anibus qua dixit Aorna:
 Sed nec Amyclea fuit expugnare phalangi
 Immani asperius turritas mole Plataas:
 Quin & Achemenijs fuerat, proclivius armis
 Angustas superare pylas, aditūque malignos,
 Qua piger epotis exercitus amnibus haesit
 Ille diem solitus Mœdis umbrare sagittis.

H 4

Sidoniam

Sidoniam cepisse Tyron, iactis que profunde
 Molibus exsicasse fretum, labor aequior olim:
 Ambigue quam sortis aquam, terramque sub unum
 Inter se parili sociatas foedere corpus
 Perdomuisse fuit: nam glebas inter inertes
 Interfusa palus moliri terga vetabat:
 Irrigui cœnosa soli nec vena liquoris
 Perpetuis suffusa vadis penitusque recepta
 Auer sis aliò poterat siccarier undis.
 Non tantis Argina palus sudoribus unquam
 Alcide siccata fuit, quam vana priorum
 Hydram in Lerneam mutauit fabula vatnm.
 Calisium medio brumæ expugnasse rigore
 Lusus erat, si quis Theauilla incommoda spectet.
 Qua nec iter pedibus fuerat, nec clauibus ire
 Est licitum, penna reliquum fuit aliæ niti.
 Sed virtus Lotharena solet per inhospita, perque
 Inuia ferre pedem, deportatque inde triumphos
 Vnde alyis sperare nefas: non orbita molli
 Qua cliuo signata patet, vestigia vel pes
 Humanus qua pressa dedit, suctum illa vetusque
 Carpit iter, nouat ipsa magis, gaudetque labore
 Insolitas aperire vias, exemplaque prodit
 Suspiciat que posteritas, verum amula quondam
 Possesse sequi similes & reddere nesciat actus.
 Quid duce Burgundum Lothareno fidere fas sit,
 Anglum etiam sperare deus quid suadeat auctor.
 Anglos iam pridem docuit Lotharena virago
 Victrix, Normana quos expulit ubere gleba.

IIIæ

*Illa Nantiacis palantes montibus umbra,
Carolus & parui composui cespitem busti*

*S I C abducta domo sunt agmina, transq; minantes
Cœlicolũ templis Alpes, Romamque potentem.
Cum tamen interea rex armipotentis Iberi
Cogeret arma ferox, & sollicitaret in arma
Indomiti Teutonis opes, equitẽmque superbum.
Ludibrio sic expositi, sic prada luporum
Nos fuimus, sic nostra luit vecordia pœnas.
At tamen expertes potuit nos reddere damni,
Atterere atque hostem, parua si forte fuisset
Vrbs munita manu, quæ defensoribus orba
Attulit attonita præceps immane ruina.
Sed quotus è nostris iam publica commoda curat,
Erogat atque unum quis regni viribus asem?
Cui non est contra lucro prædaque parata
Publica res, quis eam non annumerare sœuit
In censu questuque suo? non magna salutem
Summa redemisset: poterant sestertia centum
Militiam tolerare virum, quæis tuta fuisset.
Hanc epulis, hanc delicis, hanc luxibus, ullus
Si procerum summam voluisset demere, nostri
Servator regni meruisset ciuica ferta.
Corrasisse iuuat, sed nos impendere durum est:
Et dites audire domi, non esse benigni
Imperio volumus: primatum hinc diuite gaza
Imperij superauit opes fortuna, libellam*

Nunquam

*Nunquam impēdentum, sed prēmia semper auentū.
 At miseris defecta modis plebecula tabet,
 Vix & adest quo dira fames, quo tristis egestas
 Pellatur, vix est animam quo ducat & agram.
 Stragula verū istis vestis pulcherrima, picta
 Semper acu plumāque toga, nitidūque decoro
 Pallia maandro cingens illuditur aurum.
 Quid gemmas baccaſque loquar? quid pocula calo
 Nobilium spectanda virū, fuluōque metallo?
 Regificaque epulas mensa, nitidōque ministros,
 Atque flagellatos arcano gurgite nummos?
 Phineas sic saua dapes harpya rapaci
 Semper inuncabat digito, cacūmque necabat.
 Sic populi satiata fame vesana Celeno
 Hac procerum, senio populum maciēque trucidat:
 Huius & exuuiā rapido praeantibus ungue
 Induuiā fiunt, spolijs potiuntur opimis
 Tabifici plebem spoliant, qui nomine fisci.*

*E R G O superba domas hominūque ferocia corda
 Quae clauum frenūque tenes Rhamnusia virgo.
 Concidit ille virū minitanti murmure frendens
 Spiritus, audaciūque animus de pectore cessit.
 Ille Giganteis aquas qui viribus iras
 Spirabat sine fine minis truculentus Iberus,
 En pacem veniāque petit: nunc supplice vultu
 Pacifera ramos humilis pratendit oliuae,
 Velatāſque manus: nuper qui iusta roganti*

Insulta-

*Insultarat ouans pacique auerterat aurem:
 Praesidiũque moras inter sermonis iniquas
 Perfidus incautum scelerato oppresserat auso.
 Hac elata tibi saue fiducia mentis
 Immemor humana sortis securaque fati
 Vindicis Adrastia vices deposcere visa est.*

*HIRCOS O tangi Milesia nomina versu
 Esse nefas qui nescit, aet, nec carmina scribat:
 Et peronatus glandes, & rura sequatur,
 Sit pastor, durus fossor, caprimulguſ ineptus,
 Moretoque suas & cepis instruat escas.
 Urbicus esse mihi videor, paganus haberi
 Sed merui: nam nostra fugant, velut allia, lautos
 Inter fiscellas & caulas cantica nata.
 Illis qui laudantur uti si membra ludentur
 Cœno offenduntur, virosus caſtor ut omnes,
 Ut fœtens corium vel putida nautea ledit.
 Noſtraque delectant magis hos conuitia, quàm laus.
 Garrula sic probris delectat pica proteruis:
 Famoso & viridans est gratus psittacus ore:
 Morio sic suavis, qui fanda nefandaque garrit:
 Horum nec cupida cuiquam laus ore probatur.
 Rusticus est talis, nemo eius laude cupiscit
 Ornari, medijs nam laus placet urbibus orta
 Rure haud deportata domum, siluisve petita.
 Hac ita quandoquidem sic tandem nouimus esse,
 Riſque relegamur, procul amandamur & vrbe,*

Inter

*Inter Ledaos ne rusticus anser olores
 Obstrepuisse puter, taciturna silentia nostris
 Indico Musis: eiectas urbe profanas
 Quas veluti sacris videam: nisi ruris alumna
 Stridenti stipula miserum disperdere carmen
 Fortè velint, inter tauros, olidasque capellas,
 Mœnia quod nunquam, non ausit tecta subire
 Urbis, & in solis quod posthac perstrepat, aruis
 Cornigeras inter pecudes, & bucera secla:
 Cui summum decus: & pretium à messorè probari,
 Lignator quod cantet, amet quod vinitor, & quod
 Tinniat, upilio sapientior haud grege muto,
 Aut fatuo fungo; vili quod ludat auena
 Plaudenti chorea rurali Tityrus ore.
 Illis se posthac ostendet nostra Thalia:
 Nostra Thalia meret si dici, cum sit Oreas,
 Aut Dryas, aut querno nata cum robore Nymphæ
 Capripedes inter Faunos, Panasque bicornes,
 Et Satyros, solita siluestrem fundere cantum:
 Urbanis quæ si diuis fors monte relicto
 Inter sint, risus moveant, ut simia turpis.
 Audiat hos cantus & pastoralis Apollo,
 Et pecorosa Pales, cyparissifer & Silvanus,
 Auriculas molles qui radit is aure Batava
 Gaudeat, ad rigidam setosi & ganniat, aurem
 Fossoris, digito aut tacitum premat, ipse labellum.
 Vos igitur, docti, quod postremum alloquor hoc est:
 Flagito nunc veniam, nunc & diludia posco:
 Qui mediastinus fueram nunc rura reuiso.*

Nomina

*Nomina sancta mea non hinc violauero voce,
 Qua Charitum celebrada choro, Venerisque susurro,
 Qua tenera volucrum lingua cantentur Amorum:
 Immundo hac veluti Phineia pabula tactu
 Attrectare nefas & voce citare profana.
 Attamen Andinam, licet esset rustica, Musam
 Pollio dilexit: nec dedignata Camœna est
 Hesiodum gelida pascentem in montibus Aëra.
 Namque homines diui non aspernantur agrestes.
 Pierios montes, & celsa cacumina Musa
 Parnasi, & solis manantem in collibus undam
 Pegaëi fontis, contempta plebe frequentant:
 Urbæque damnata siluas & tesqua pererrant.
 Ergo hinc ad doctas me non piget ire sorores.*

*ESSE quid hoc dicam? quod belli facta profani,
 Et ciuile nefas, temerata pace probamus?
 Quod domibusque domos collidimus, urbibus urbes,
 Ad mala legitimum quod soluimus impia fœdus,
 Polluimusque manus alterna cade madentes?
 Et facinus fecisse iuuat, segnisque videtur
 Nec pius esse satis qui ferro parcat inertem,
 Fratris & in ingulo cunctatur tingere ferrum.
 Que nos sanguineo Bellona accincta flagello
 Instimulat, que pectus agit nunc tristis Erinnyis?
 Nec stultam tantum plebem hac vesania vexat:
 Qui sapiunt magis desipiunt, & fœdius errant:
 Nec meminere fori, pacatæue iura sequuntur,*

Pro

*Pro Masuri titulis lituos litésque cruentas
Amplexi, pro rubricis fera bella crepantes.
Atque scelus sceleris, noxam noxaque rependunt,
Irritantque ultro procures, & bella laceffunt:
Et nocuisse minus, minus & potuisse videri
Instar habent mortis. nostras obsedimus urbes
Cepimus atque manu, nos desolauimus agros.*

Z

99 951532

ML

